

DISPUTATIO ANTIQUARIO-HISTORICA
INAUGURALIS
DE
CENSORUM
APUD ROMANOS
AUCTORITATE ET EXISTIMATIONE
EX
VETERUM RERUM PUBLICARUM
CONDITIONE EXPLICANDA.

THE UNIVERSITY OF CHICAGO

PHYSICS DEPARTMENT

REPORT ON THE PROGRESS OF RESEARCH

IN THE FIELD OF QUANTUM MECHANICS

FOR THE YEAR 1955

BY

JOHN H. SCHWINGER

AND

THE OTHER MEMBERS OF THE DEPARTMENT

OF PHYSICS

CHICAGO

THE UNIVERSITY OF CHICAGO PRESS

CHICAGO, ILLINOIS

1956

PRINTED IN THE UNITED STATES OF AMERICA

ALL RIGHTS RESERVED

NO PART OF THIS PUBLICATION

MAY BE REPRODUCED

OR

TRANSMITTED IN ANY FORM OR BY ANY MEANS

WITHOUT PERMISSION IN WRITING

FROM THE PUBLISHERS

OR

THE UNIVERSITY OF CHICAGO PRESS

49° K 6

DISPUTATIO ANTIQUARIO-HISTORICA
INAUGURALIS
DE
CENSORUM
APUD ROMANOS
AUCTORITATE ET EXISTIMATIONE
EX
VETERUM RERUM PUBLICARUM
CONDITIONE EXPLICANDA.

QUAM,
QUOD DEUS BENE VERTAT,
EX AUCTORITATE RECTORIS MAGNIFICI
IODOCI HERINGAE, E. F.

THEOL. DOCT. ET PROF.

UTI ETIAM

AMPLISSIMI SENATUS ACADEMICI CONSENSU, ET NO-
BILISSIMAE FACULTATIS PHILOSOPHIAE THEORETI-
CAE ET LITERARUM HUMANIORUM DECRETO,

PRO GRADU DOCTORATUS

SUMMISQUE IN PHILOSOPHIA THEORETICA ET LITE-
RIS HUMANIORIBUS HONORIBUS AC PRIVILEGIIS,

IN ACADEMIA RHENO-TRAJECTINA


RITE AC LEGITIME CONSEQUENDIS,

PUBLICO ET SOLEMNI EXAMINI SUBMITTIT

JACOBUS ADOLPHUS CAROLUS ROVERS,

DORDRACENUS.

DIE III JUNII MDCCCXXIV, HORA XII.



TRAJECTI AD RHENUM,
EX OFFIC. JOH. ALTHEER.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 34
PART 1
1904
LONDON
PUBLISHED BY THE INSTITUTE
11, BEDFORD SQUARE, W.C.1

**VIRO CLARISSIMO
PHILIPPO GUILIELMO VAN HEUSDE**

PHILOS. THEORET. MAG. J. U. ET LITT. HUMM. DOCT.

**ORDINI LEONIS BELGICI ADSCRIPTO
PHILOSOPHIAE THEORETICAE ET LITERARUM
HUMANIORUM IN ACADEMIA RHENO-TRA-
JECTINA PROFESSORI INSTITUTI
REGII ARTIUM DOCTRINARUM-
QUE TERTII ORDINIS SOCIO**

D. D. D.

AUCTOR.

AVUNCULO DILECTISSIMO.

Ob duas equidem causas hanc, optime Virorum, dissertationem tibi inscribendam censui. Etenim, si eruditissimi viri, quorum scripta acre ingenium, accuratam rerum cognitionem, variam ubcremque doctrinam referunt, his tamen ipsis a praestantiorum auctoritate commen-


ditionem quaerunt ; meum facile omnes proba-
bunt consilium , cum tenue prorsus et juvenile
specimen tuo nomine commendare studeam. Ve-
rumtamen multum abest , ut opusculo tantum
meo prospicere coner. Sed , quandoquidem , cui
plurimum quisque debet , hunc maxime diligit ,
gratumque ei animum demonstrare gestit , vi-
deris Tu mihi et colendus praecipue , et quam-
vis levi , maximo tamen quod habeo , donandus
munere. Nam , quod post optimi Patris mortem
pro infantia cogitabam , qui meam in se sus-
ciperet causam , paterno me amore moneret ac
juvaret , fore neminem , longe aliter mihi nec-
opinanti cecidit. Puerum me summâ beneva-
lentiâ excepisti : praeceptis monitisque confor-
masti : virtutis praestantiam et saluberrimis
consiliis , et , cum filii instar in Tua domo ver-
sarer , exemplo ipse tuo efficacissime edocuisti.
Sed haec ego , licet maxima , tum demum sua
pretio habere coepi , cum ad aliquem rationis
usum pervenissem. A quo equidem tempore et
prio-

priorum beneficiorum amplitudinem assecutus, et tua cum publica tum privata institutione fructus, et majora in dies humanitatis, amoris, imo paternae caritatis documenta expertus, plurimum me Summo Dei Numini debere putavi, cum in dilectissimi Patris desiderio Te non modo cognatum, fautorem, doctorem praestantissimum, sed amicum integerrimum, alterum omnino patrem nactus sim. Atque hoc arctissimum profecto vinculum eo et suavius et majoris mihi momenti ducere soleo, quo faciliorem Tui adeundi et in omnibus vitae rebus consulendi opportunitatem praebet, quoque efficacius ad exsequenda consilia impellit. Verumtamen licet per decennium ea mihi tribueris, quae homini ab homine tribui ferme possint maxima, hoc unum praeterea abs te impetrare velim, ut, quemadmodum hactenus, sic in posterum et studiis meis praesis, et vitae rite instituendae viam monstres. Sic enim aliquando fore opinor, ut uberrimos ex praestantissimis veterum scriptis

* 4

fruc-

*fructus percipiam, nec omni rerum humanarum
usu et intelligentiâ destituar. Ego vero eâ te
constanter et observantiâ et pietate prosecutu-
rus sum, ut in discipulis, qui magis te colat,
habeas neminem.*



PRO-

PROÖEMIUM.

Animadvertenti mihi saepenumero varias hominum de variis disciplinis opiniones, mirum nonnunquam visum fuit, de gentium historia non aliud aliorum, ut de ceteris, sed unum esse idemque omnium iudicium. Cujus quidem disciplinae studium et juvenibus commendatur, et ab eruditissimis viris colitur, et nullis non hominum generibus sic placet, ut, aliis saepe neglectis

ac contentis doctrinis, hanc tamen unam et suavem et utilem, imo necessariam opinentur omnes. Verumtamen, quod antea vix perceperam, dein cognovi, historiam non sine ratione plurimorum omni aevo animos et allicuisse ad se et tenuisse. Nam profecto, siue suavitatem in disciplina tractanda spectas, quae tandem major esse potest, quam praeteritorum temporum disfitorumque locorum cognitio, ut non tantum illo, quo natus es, aevo, sed et alio quocumque tibi vivere, ejusque aequalibus interesse videaris? Sive utilitas quaeritur, in historia haec certe suavitati est aequiparata. Ex variorum enim temporum, opinionum, morum, hominum cognitione ad rerum usum et civilem prudentiam, ad vitam rite agendam, ad ipsam omnino virtutem multum proficimus. Quocirca et suavioris doctrinae cupidum rerum varietate oblectat, et virtutis studioso plurimum prodest, et omnibus se hominibus commendat historia.

Quodsi historiae praestantiam agnoscunt omnes, illius studium eo majori cum fructu institui constat, quo magis ad pragmaticam rationem adigatur. Cujus quidem quae vis sit, quae excellentia, nostris potissimum intelligitur temporibus, quibus non tantum gentium res gestae

sim-

simpliciter traduntur et memoriae mandantur, verum gravissimarum causae rerum indagantur, earumque proponuntur sequelae, regiminis formarum universe explicatur ratio, singulorum in civitate magistratuum exploratur vis, vinculum subinde traditur, quod varias secum invicem conjungit gentes, comparationes instituuntur inter gravissima antiquorum recentiorumque populorum negotia, verbo, in ipsam gentium inquiritur indolem, ex eaque praeclara quaeque ducuntur,

Et mihi quidem, a quo inde tempore e pueris egressus hac ratione a summis viris historiam tractari audiebam, eorumque sic tractantium et scholis mihi interesse et scripta legere licebat, historicae istiusmodi placere coeperunt disquisitiones. Quarum equidem suavitatem mirabar et ubertatem, cum non tantum res gestae accuratissime proponerentur, sed ad has explicandas, et temporum attenderetur et locorum et gentium conditio. Sic autem fiebat, ut, quae antea vel non perceperam, vel perversè dijudicaveram, plana evaderent et integriorem me judicem nanciscerentur. Tum igitur quo ulterius progrediebar, eo magis philosophae in historia tractanda rationis agnovi praestantiam. Hunc autem meorum studiorum cursum cum animadver-

tisset Cl. Heusdius, Avunculus carissimus, et esset mihi progresuum quaecumque meorum edendum specimen; id praecipuum sibi duxit Praeceptor optimus, ut historicum mihi suppeditaret argumentum, quod et meis studiis conveniret, nec viribus omnino esset majus.


Itaque, ut coram ipso miratus aliquando fueram, peculiarem in Republica Romana existisse magistratum, qui civium mores curaret, quod a nostrae profecto politicae ratione abhorret prorsus; hoc ipsum continuo dignissimum censuit argumentum, de quo, historia duce, disputarem. Illo igitur auctore et adjutore, equidem, in historico potissimum argumento elaborare gestiens, Censoriae apud Romanos et auctoritatis et existimationis causas explicare constitui. Quod consilium non eo quidem spectabat, ut, quae saepius agitatae sunt de Censoribus quaestiones, has omnes proponerem et dijudicarem: quippe multae in iis occurrebant ab argumento meo alienae. Attamen, ne temere vagaretur disputatio, anteaquam ad rem venirem, de ipsis Censoribus eorumque muneribus, ex probabili eruditorum sententia, discerendum duxi. Cum vero peculiaris Censorum ratio ex propria potissimum antiquarum civitatem conditio-

ne

ne ducenda videretur, latius subinde excurri, nec minus Graecorum quam Romanorum instituta exploravi, id nimirum maxime curans, ut, misis nostri aevi opinionibus, ex antiquae unice politicae principiis rem hancce totam explicarem.

Qua in re ut feci quod potui, non quod volui, ac plurimum abest, ut mihi ipse satisfecerim: sic tenuitatis meae probe conscius, in legentium erga me facilitate et benevolentia totus acquiesco. Quibus si non prorsus displicuerit opusculum meum, sed aliquid forte bonae frugis habere visum fuerit, id sciant velim, hoc omne me praestantissimis, quos in Literis habui, Praeceptoribus acceptum referre. Nam per quatuor et quot excurrit annos Goudoeveri V. Cl. non scholis tantum mihi interesse, sed singularem plane benevolentiam experiri licuit. Ad cujus viri consilia expetenda cum meorum me studiorum ratio saepius impelleret, eâ semper me excepit humanitate, sic suas mecum tum de studiis prudenter dirigendis, tum vero de hac disertatione communicavit animadversiones, ut ingratissimus profecto et essem et haberer, si ejus beneficiorum ulla dies deleteret memoriam. Quandoquidem vero magna quoque sunt Simonssii et Schröderi V. V. C. C. in me meri-

rita , hac iis opportunitate lubenter gratias ago ,
quas possum , maximas , eosque aequè ac reli-
quos Praeceptores enixe rogo , ut suâ me bene-
volentia prosequi , prudentia juvare , doctrinâ
erudire pergant.



DISQUISITIONIS CONSPECTUS.



CAPUT PRIMUM.

DE CENSORUM IN REPUBLICA ROMANA MUNERIBUS. . . . P. I

CAPUT SECUNDUM.

DE CENSORUM IN REPUBLICA ROMANA AUCTORITATE ET EXISTIMATIONE. . . . 27

- § 1. *De Auctoritate Censorum.* . . . 29
§ 2. *De Existimatione Censorum.* . . . 36

CAPUT TERTIUM.

DE CAUSIS, QUIBUS FACTUM VIDEATUR, UT TANTA ESSENT CENSORES APUD ROMANOS CUM AUCTORITATE TUM EXISTIMATIONE. . . 40

SECTIO PRIMA.

DE ANTIQUARUM CIVITATUM CONDITIONE. . . . —
§. I.

§ 1. <i>Moribus antiquae nitebantur civitates.</i>	41
§ 2. <i>Ad morum servandam integritatem pleraque spectabant Legumlatorum instituta.</i>	44
§ 3. <i>Vigentibus moribus, viguere; lapsis, corruerunt Antiquae Civitates. — Respublica Lacedaemonia.</i>	55
§ 4. <i>Respublica Atheniensis.</i>	60
§ 5. <i>Respublica Romana.</i>	70
§ 6. <i>Cum tanta haberetur antiquitus morum ratio, factum est, ut summa esset cum Athenis Arcopagitarum, tum Romae Censorum auctoritas et existimatio.</i>	98

SECTION SECUNDA.

DE PECULIARI ET CIVITATIS ROMANAE RATIONE ET ROMANORUM INDOLE.	102
--	-----

§ 1. <i>Peculiaris civitatis Romanae ratio.</i>	—
§ 2. <i>Peculiaris Romanorum indoles.</i>	106

SECTION TERTIA.

UT CENSORIBUS CENSURA, SIC CENSURAE VICISSIM CENSORES DIGNITATEM CONCILIARUNT.	III
--	-----



CAPUT PRIMUM.

DE CENSORUM IN REPUBLICA ROMANA MUNERIBUS.

Cicero in praeclaro *de Legibus* opere, in quo leges ad illum, quem in libris *de Republica* probaverat, civitatis statum accommodat, ipsam egregie censorii in Republica Romana muneris tradit rationem. *Censores*, inquit, *populi aevitates, soboles, familias, pecunias censento: urbis templa, vias, aquas, aerarium, vectigalia tuento, populi que partes in tribus distribuunt: exin pecunias, aevitates, ordines partiunt: equitum, peditumque prolem describunt: coelibes esse prohibent: mores populi regunt: probrum in Senatu ne relinquunt: bini sunt: magistratum quinquennium ha-*
A. ben-

bento. (1) Dolendum vero quam maxime hujus muneris a Cicerone verosimiliter egregie disputatam communi bonorum naufragio librorum periisse explicationem. Postquam enim in altero et tertio operis libro cum sacras tum civiles civitati suae proposuit leges, de iis cum Attico et Quinto fratre sermones miscet, earumque tam praeclare declarat efficaciam, ut, quo praestantiores hae sunt commentationes, quoque plures supersunt, eo aegrius hujus censoriae explanationis jactura ferenda videatur. Sed nobis jam, ut ordine progrediamur, res ab initio est repetenda.

Postquam Servius Tullius de Vejentibus aliisque Etruscis victoriam reportaverat, contulit se ad ipsam rite ordinandam civitatem; aggressusque est, de Livii sententia (2), istiusmodi opus, quo conditor omnis in civitate discriminis, ordinumque, quibus inter gradus dignitatis fortunaeque aliquid interlucet, a posteris haberetur. Instituit enim tum civium tum possessionum Censum, secundum quem populum in sex classes divisit et centum nonaginta tres centurias, eoque peracto, omnes cives, in suis quoque centuriis, in Campum Martium convocavit, ubi eos suovetaurilibus lustravit, cumque ritum

con-

(1) L. 3. C. 3. (2) Liv. L. 1. C. 42.

conditum lustrum dixit, quia is censendo finis est factus. (1)

Primum quidem ipsi Reges instituerunt Censum. Postea vero Consulibus, uti omnium, quibus Reges functi erant, munerum, sic et Censura cura mandabatur (2). Variis autem, quibus hi praeerant, bellis (3), forsan etiam Tribunorum Pl. turbis (4), factum est, ut nec Consules Censui vacarent, et ipsum hoc, civitati utilissimum, per septemdecim annos intermitteretur negotium. Tum igitur difficilem istiusmodi rem et minime Consularem suo viderunt Romani, qui ipsam rite fungeretur, egere Magistratu, Censuique agendo (5), duos Patricios viros primum praefecerunt, quos *Censores* a munere dixerunt.

Primum igitur hoc munus Patriciis mandabatur tantum, verum anno A. C. 348. C. Marcius Rutilus primus de Plebe Dictator Censuram
pe-

(1) Idem C. 44. (2) Liv. L. 3. C. 3. Semel eo functus est Dictator Sp. Lartius v. Beaufort *Repub. Rom.* Tom 3. Cap. 4. p. 121. (3) Livius, L. 4. C. 8. (4) Beaufort, l. l. p. 62. (5) Proprie Cenforibus subijci dicebatur arbitrium formulae censendi, id est, ut docet Crevier ad Livii L. 4. C. 8. jus statuendi, quae formula, qua ratione quisque censendus esset; quam in tribum, quam in centuriam referendus; quomodo aestimandus cujusque Censura.

petiit, atque Tribunorum imprimis Pl. ope hoc ipsi delatum est munus (1). Dein vero Q. Publilius Philo Dictator sanxit, ut alter e Plebe semper crearetur Cenfor, quin et uterque Plebejus esse posset (2). Hoc autem munere fere semper fungebantur viri Consulares (3). Initio erat quinquennale, quia quinto quoque anno instituebatur Censur; brevi post Mamercus Aemilius Dictator ingenti populi consensu legem pertulit, ut ne Censura, quum alii annui essent Magistratus, diutius quam per annum et semestrem duraret (4). Quantopere au-

(1) Liv. L. 7. C. 22. (2) Liv. L. 8. C. 12. Uterque autem Cenfor plebejus primum fuit a. U. C. 622. V. Livius. Epit. L. 59. Cf. Beaufort l. l. p. 64. (3) Beaufort. l. l. p. 63. Cum autem ipsum illud in disputationis nostrae fine imprimis usu veniret, Beaufortii equidem auctoritate haud acquiescendum ratus, Livianum ipse Indicem cum Cenforum tabula, quam exhibet Beaufortius, contuli, vereque eum pronunciasse animadverti. Sub Imperatoribus autem post Paulum Aemilium Lepidum et Lucium Munatium Plancum, ultimos e privatis Cenfores, (v. Dio Cassius, L. 54. p. 521. edit. Leunc.) Imperator vel solus Censuram gerebat, vel collegam adsciscebat (v. Sueton. In Aug. C. 27.) vel alium munere illo donabat v. Pitiscus in *Lexico Ant. Rom.* voce *censura*. (4) Liv. L. 4. C. 24. L. 9. l. 33. Postremis autem temporibus hic iterum quinquennalis esse coepit Magistratus V. Zonaras L. 2. apud Franc. Hotom. in *Thesauro Graeviano* Tom. 2. p. 1865. Cf. Beaufort. l. l. p. 63.

autem Censurae , quae primum ad populi Censum agendum referebatur , sensim increverit amplitudo , tum ex Ciceronis , quae supra tradidimus , tum ex Livii optime patet verbis , qui rem , parvis initiis ortam , tanta cepisse tradit incrementa , ut morum , disciplinaeque Romanae penes eam regimen , Senatus , Equitumque centuriae , decoris dedecorisque discrimen sub ditione ejus Magistratus , publicorum jus privatorumque locorum , vectigalia populi Romani sub nutu atque arbitrio essent. (1)

Ex hoc autem , uti et ex Ciceronis loco , licet quadrupartitum fuisse pateat Censorum munus , ad duo tamen congrue referri potest capita , quorum alterum pecuniae publicae atque vectigalium administrationem , locorum publicorum viarumque curam , ipsum denique Censum comprehendit , alterum vero morum magisterio continetur totum.

Et quandoquidem nobis dein de horum munerum erit agendum gravitate et amplitudine , explicandumque , quam illa Censoribus conciliarint auctoritatem , operae pretium profecto videtur , ipsorum munerum hoc loco tradere rationem.

Habebant igitur Censores vectigalium administrationem , ad quae omnis referebatur pecunia , quae portorii , decumarum , scripturae ,

sa-

(1) L. 4. C. 8.

salis, vicefimae nomine solvebatur (1), quaeque, suadentibus Cenforibus, a Senatu constituebantur (2). Haec igitur vectigalia ad hactam (3), in conspectu populi (4), elocabant in quinquennium Publicanis, Equitibus plerumque Romanis (5), qui, quanta pecuniae summa vectigalia redemerant, tantum Reipublicae apud Quaestores Aerarios, penes quos tabulae aerarii et ita ipsum aerarium erat,olvere debebant (6).
Cen-

(1) v. Sigonius *de Ant. jure Civ. Rom.* L. 1. C. 16. et *de Ant. jure Provinc.* L. 2. C. 8. (2) Etenim ex iis, quae apud Livium L. 4. C. 8. *Vectigalia Populi Romani sub nutu et arbitrio eorum fuere*, L. 40. C. 51. *Portoria quoque et vectigalia multa instituerunt*, L. 29. C. 37. *Vectigal etiam novum ex salaria annona statuerunt*, habentur, non patet ipsos Cenfores nova vectigalia constituere potuisse; verum Senatus, penes quem hoc jus erat, Cenfores, ubi res postulabat, de vectigalium constituendorum ratione consulebat, eorumque opinionem cum probasset, ad effectum eam perducere jubebat. Quocirca cum Burmanno istiusmodi Livii loca sic interpretamur, ut vectigalia ista, *inventoribus Cenforibus et suaforibus*, instituta fuisse putemus. Vid. Burmann. *de Vectigal: P. R. C.* 7. p. 97. qui disertis veterum testimoniis docet, ipsum vectigalium institutorum jus Senatui competisse. Cf. Hegewisch *Historischer versuch über die Römischen Finanzen*, p. 86. (3) Liv. L. 24. C. 18. et L. 43. C. 16. (4) Cicero *Agrar.* 1. C. 3. *In Conspectu autem populi est in foro.* (5) Non tamen omnes vicissim Equites erant Publicani v. Sigonius l. l. L. 2. C. 4. (6) Sigonius l. l. L. 1. C. 16. et L. 2. C. 4.

Censorum autem Edicta, quae cum alia spectabant negotia, tum imprimis vectigalium locationem, *leges* dicebantur *Censoriae* (1), eorumque de Reipublicae redditibus tabulae, *Censoriae tabulae* audiebant (2).

Altera Censorii muneris pars posita erat in locorum publicorum privatorumque jure. Nam cloacarum, lacuum (3), pontium, viarum, agrorum, templorum imprimis et aedificiorum univ[er]se publicorum curam habebant; quae omnia etsi rite attenderent, peculiarem tamen in viis filice sternendis atque glareâ substruendis marginandisque operam posuisse et sic mirum in modum peregrinantium univ[er]se et in primis exercituum commoditati prospexisse videntur. (4). Redemptoribus, sumtibus in id a Senatu constitutis (5), haec omnia vel facienda vel reficienda locabant. Sarta tecta eorum operum, quae a prioribus Consulibus locata erant, exigebant (6). Operibus, quae facienda curabant, publicis nomina saepius sua dabant (7). Practerea, si quae
in

(1) Bachius, in *Hist. Jurisp. Rom.* L. 2. C. 2. Sect. 3. §. 15. Exstat hujusmodi legis fragmentum in L. 203. ff. de V. S. (2) Agraria 1. C. 2. (3) Liv. L. 39. C. 44. (4) Liv. L. 41 C. 27. et ad h. l. V. Int. (5) Liv. L. 44. C. 16. Cf. L. 24. C. 18. et L. 40. C. 46. Polybius. L. 6. C. 13. (6) Liv. L. 29. C. 37. (7) Exempla vide ap. Liv. L. 9. C. 29. L. 39. C. 44. L. 44. C. 16.

in loca publica inaedificata habebant privati, haec eos demoliri jubebant Censores (1). Porro ludis praebebant equos curules (2), comparabant alimenta anseribus, quos in Capitolio in memoriam servatae ab ipsis Reipublicae alebant Romani (3). Pretia sacreficiorum procurabant (4). Privatis denique, quibus non licebat e canalibus aquam in sua aedificia agrosve derivare, annuo soluto vectigali, illud concedebant (5). Quodsi suo arbitrio fecerant privati, saepe eam publicam aquam, in aedificia hortosve ductam, canalibus rumpendis adimebant (6).

Haec autem Censorum munera uti magni erant momenti, sic amplior longe erat ab iis peragendus Civium Census. Hunc igitur quinto quoque anni in Campi Martii villa publica instituebant (7). Apud illos tum fellis curulibus insidentes, cives omnes (8), ex Servii Tullii in-

sti-

(1) Liv. L. 39. C. 44. (2) Liv. L. 24. C. 18. (3) Plinius Hist. Nat. L. 10. C. 26. ed. Hard Cf. Cicero pro Roscio Amer. C. 20. (4) Beaufort, p. 73. (5) Pitiscus l. l. voce *aqua*. Si non in Republica adessent Censores, hujus rei cura ad Aediles pertinebat. v. Frontinus *de Aquaeduct. Rom.* apud Graev. Thes. antiq. Rom. Tom 4. p. 1656. (6) Liv. L. 39. C. 44. Plut. in Cat. Maj. p. 347. A. (7) Liv. L. 4. C. 22. Ibiq. Crevier. Antea autem Census instituebatur in foro. V. Sigonius, l. l. L. 1. C. 14. (8) Cives praesentes censeri debebant; verum, si abessent, tamen per

stituto, in sua quisque tribu, classe, centuria, nomina sua, uxorum, liberorum, libertorum, fervorum profitebantur. Praeterea aetatem, domicilium et possessionum suarum aestimationem addebant, jurejurando affirmantes, se omnium in profitendo possessionum rationem habuisse (1). Quicumque vero non bonâ hac in causa fide usi fuisse deprehendebantur, una cum bonorum publicatione ipsam amittebant libertatem (2). Pariter, qui se cenferi noluerant, maximam subibant capitis diminutionem (3). Ipsi enim a Consulibus, bona a Censoribus venundabantur (4). Bonorum autem aestimatione solebant subinde plura comprehendere (5), quam quae ea contineri vulgo habebantur, eaque ipsi, quanti vellent, aestimare; unde cum maximo-pere ipsum augetur tributum, magni Censum fuisse momenti, nemo non continuo videt.

Haec

per procuratorem censebantur. Vid: Sigonius l. l. L. 1, C. 14. Manutius *de Civ. Rom.* apud Graevium l. l. Tom 1. p. 32. Cf. Beaufort, l. l. p. 68.

(1) Dionysius Hal. L. 4. C. 15. p. 212. Accurate autem apud Sigonium, l. l. L. 1, C. 14. traditur, quae ad possessiones referrentur. Ipse autem censendi ordo petatur e Pitisco l. l. voce *censendi*. (2) Beaufort, l. l. p. 67. (3) Cicero pro Caecina. C. 34. (4) Sigonius, l. l. L. 1. C. 14. (5) Cicero Verrina 2. C. 53. Cf. Sigonius, L. 1. C. 14.

Haec autem, quae professi erant cives, in tabulas suas referebant Cenfores; eaeque in aede Nympharum servabantur. Quibus omnibus peractis, ex suo quique Censu in classes et centurias referebantur cives, secundum quae tributa solvebant; et major eorum, minore in centuriatis comitiis erat auctoritas. Subinde etiam, ubi res postulabat, novas Cenfores addebant tribus; eas etiam generibus hominum, causis, et quaestibus describebant (1). Post Censum, is Cenfor, cui fors condendi lustris obtigerat, in Campo Martio pro populo, in classes et centurias distributo, Diis coronatus et praetextatus gratias agebat, vota persolvebat, Deosque rogabat, ut populi Romani rebus prospicerent (2). Tum sacrificio de sue, ove et tauro ter circum populum ductis suaeque manu percussis eum lustrabat; quod si proximo quinquennio ingens calamitas accidisset, vel mortuus esset alter Cenfor, lustrum condere non licebat. (3)

Hoc autem loco posunt plurimae institui quaestiones de variis, qui censendi erant, hominum generibus; nam quaeri solet, utrum tantum ingenui an etiam libertini censerentur; utrum tantum, qui in urbe domicilium habebant, an etiam

(1) Liv. L. 40. C. 51. ad quem locum cf. omnino Crevier. (2) Valerius Maximus. L. 4. C. 1. Ex. 10. (3) Liv. L. 24. C. 43.

etiam qui extra eam habitabant; num ad municipes et colonos census etiam pertineret; quas quidem quaestiones ideo non enucleamus, quia, quid de iis probabiliter sit statuendum, in eruditissimorum virorum dissenſu, nobis nullo modo constat,

Quum autem Cenſoribus nonnulli tabularum et librorum curam mandatam fuiſſe ſtatuant; videamus, quid de eo probabiliter ſit exiſtimandum. Quicumque hanc penes Cenſores cuſtodiam fuiſſe putant, ſuam Livii verbis probant ſententiam, qui, quum Conſules Cenſui faciendo vix vacare poſſent, mentionem a Senatu illatam fuiſſe tradit: *rem operoſam ac minime conſularem ſuo proprio magiſtratu egere, cui ſcribarum miniſterium, cuſtodiaque et tabularum cura ſubjiceretur* (1). Verum haec tabularum cuſtodia unice ad tabulas Cenſorias atque eas, quae de Reipublicae redditibus inſtituebantur, pertinere videtur. Etenim in tertio de legibus libro ſuae quidem civitati praefcribit Cicero: *Cenſores fide legem cuſtodiunto*; verum aegre quam maxime fert, Romae non haberi tabulis librisque praepoſitos Magiſtratus, ſed eſſe eos penes apparitores. Quocirca, *haec*, inquit, *detur cura Cenſoribus* (2), unde luculen-

(1) Liv. L. 4. C. 8. (2) L. 3. C. 20. Pro *detur*
alii

lenter patet, Livii locum immerito tam lata accipi significatione.

Ultimo loco memoranda est, quae penes Censores erat, morum cura; quam quidem gravissimam muneris partem ita sumus adumbraturi, ut primum, quae variae Cenforum in varios homines essent notae, declaremus; tum inquiramus in causas, quare notarent; ac denique, quae earum esset vis, quoad ejus a nobis fieri potest, breviter et accurate tradamus.

Notarum igitur, quas instituebant Censores, quatuor potissimum fuere genera; nam vel Senatores Senatu ejiciebant, vel Equites equo publico privabant, vel cives ex tribu honoratiore in minus honestam transferebant, vel denique eos aerarios faciebant.

Quum igitur jus legendi Senatus (1) post legem Oviniam Tribunitiam (2) penes Censores

es-

alii volunt *mandetur*. V. apud Davisium ad h. l. Cf. Demsterus ad Rosini *Ant. Rom.* L. 3. C. 31.

(1) Qua in re attendebant ordinem et genus, Censum, aetatem, magistratum, mores. (2) Putat Beaufortius, Censores jam antea hoc jus habuisse l. l. vol. 1. p. 375 sqq. Verum, de probabili Ruhnkenii sententia, exactis Regibus, primum Consules aut Tribuni Militum Conf. Pot., dein vero post legem Oviniam inter annum 319 et 341 U. C. latam (v. Drak. ad Livii L. 39. C. 42.) Censores Senatum legerunt. Etenim Festus voce *praeteri-*

esset, quumque quinto quoque anno in Senatorum mores inquirerent, eo honore indignos munere solebant privare, tantummodo eos in legendis Senatorum nominibus praetereuntes, nec nomen eorum albo Senatorio amplius inscribentes (1). Plerumque tamen motis Senatu subscriptiones adscribebant, id est, causas, cur moti essent; unde Catonis aliorumque exstiterunt orationes in eos, quos vel Senatu moverant, aut equis privaverant (2). Tum etiam uterque Censor remotionem, vel equi privationem, vel alias notas omnes probare debebat; unde altero dissentiente, alterius nullius momenti erat nota (3).

Equites autem, quos etiam ex Censu (4) le-
ge-

teriti, quem locum Ruhnkenius in *dictis Mssis Antiq. Rom.* explicat, haud mentionem fecisset Tribunorum Militum Conf. pot. si Censores inde ab anno 310 jus legendi Senatores habuissent, quandoquidem et Tribuni et Censores eodem anno primum creati sunt. Cf. omnino Drakenb. ad Liv. l. l.

(1) Vid. Dacier ad Festum voce *praeteriti* Cf. Crevier ad Livium L. 9. C. 30. Quem vero primum recitabant, erat Princeps Senatus, de quo Vid. Paulus Manutius de *Senatu Romano* apud Graevium l. l. Tom. I. p. 90. (2) Nam in primis in notandis viris illustrioribus has notas addebant. Vid. Beaufort l. l. p. 92. (3) Liv. L. 40. C. 51. L. 42. C. 10 Cf. Beaufort l. l. p. 96. (4) Censui Senatorum variis temporibus erat varius, floreute Repub. octingentorum mil-

gebant, ita notabant, ut eos publico equo, quem ipsis assignaverant (1), et annulo aureo privarent (2); quo facto ad ordinem illi Equestrem pertinere desinebant (3). Hac ratione cum in pravos Equitum mores animadvertabant, tum eos notabant, qui equum negligenter curabant (4). Solebant enim Equites trabeati Idibus Quinctilibus solemni eorum transvectione in forum ad Censores venire, suum quique equum manu ducentes; qui si retinere finerent, poterant abire, sin minus, equum illis adimebant, equumque vendere cgebant (5).

Porro cives ex honoratiori tribu in minus honoratam referebant Censores. Tribus enim, in quas populus descriptus erat, *urbanae* dicebantur et *rusticae*. In illas conscribebantur omnes, qui nec rura habebant, et erant libertini; in has contra referebantur agrorum possesores, modo ingenui essent; nam et libertini, utut agros

pos-

millium numorum sestertiorum: Equitum autem Census erat quadringentorum millium sestertiorum. V. Horat. Epist. L. 1. Ep. 1. v. 57.

(1) Sigonius l. l. L. 2. C. 3. (2) Manutius l. l. apud Graevium l. l. p. 32. (3) Beaufort l. l. p. 88. Dicebantur autem *impolitiae* notari, id est, *incuriae*, ut ait Gellius N. A. L. 4. C. 12. (4) Idem l. l. (5) Manutius l. l. p. 33. Pitiscus l. l. voce *Equites* p. 726.

posidentes, urbanae tamen adscribebantur tribui (1); unde patet rusticam urbanâ longe honoratiorem fuisse tribum. Jam vero Censores ita nonnunquam animadvertebant, ut cives vel ex rustica nobili in aliam rusticam minus nobilem, vel ex rustica in urbanam referrent

Quarto denique loco, quotquot gravius commisissent delictum aerarios faciebant Censores (2), quorum nomina ex albo centuriae suae delebantur, atque tributum multiplicabatur (3).

His igitur notis ita animadvertebant Censores, ut plures subinde simul inferrent: cives enim saepius non tantum tribu movebant, sed et aerarios faciebant. Senatores autem, si gravius de-

(1) Vid. Manutius *de Comitibus Rom.* apud Graevium l. l. p. 487., qui omnino de tribuum numero aliisque eo pertinentibus conf. meretur. (2) Quaeritur hoc loco, num aerarios Censores in Caeritum tabulas referre possent; Romani nimirum Caeritibus, qui belli Gallici temporibus Virgines Vestales sacraque receperant (Vid. Livius L. 5. C. 40.) civitatem sine jure suffragii concesserant; quocirca in Caeritum tabulas relati, jure suffragii plane fuissent destituti. Disputant de eo acriter viri docti, nec facile res ad liquidum potest perducí. Negantium tamen, Beaufortii imprimis, mihi praeplacet opinio ob Livii locum L. 45. C. 15. Cf. tamen Conf. van Geuns in Disp. *de Infamia Leg. Rom. constituta* p. 17. (3) Patet hoc ex Livii L. 4. C. 24 ubi Censores octuplicato censu aliquem aerarium fecisse leguntur.

deliquisse viderentur, cum plerumque essent Equites, et Senatu movebant nonnunquam, et equo privabant, et in aliam tribum referebant, et aerarios faciebant; uti hoc de iis constat, qui in summo rerum discrimine Italiam deferere studuerant (1).

Et sic quidem propositis, quas Censores inurere solebant, notis, operae pretium est videre, quas maxime ob causas notarent. Etenim de hoc magistratu non ita est existimandum, ac si penes eum esset, quaevis civium crimina et delicta punire: verum pertinebat Cenforum animadversio omnium maxime ad ea vindicanda vitia, quae legibus vix obnoxia erant. Cum igitur id Romanis imprimis curae esset, ut ne mores corrumperentur, Cenforum erat, hos omni ratione integros servare, absque omni labe immunes. Quocirca in ignaviam in primis, luxuriam, molliem, coelibatum, omnem denique indolis morumque perversitatem gravissime invehebantur.

Sic ignaviam eorum notabant, qui in bello haud strenue rem gesserant, vel officio minus erant perfuncti. Nam quadringentos Equites, quorum maxima fuerat in castris, jussu ducis, mu-

(1) Liv. L. 24. C. 18. Cf. L. 22. C. 61. ubi idem traditur de legatis illis, qui Hannibali datum iusjurandum eludere studuerant.

muniendis, negligentia, re comperta, et equis privasse, et aerarios fecisse feruntur (1). Ob ignaviam pariter Caecilium Metellum Quaestorem, aliosque nobilissimos juvenes, qui post Cannensem cladem Italiam relinquere voluerant, omnibus notis dedecorarunt (2).

Animadvertabant porro in eos, qui non eandem, quam vicini, id est, summam, in agris colendis curam ponebant et diligentiam, nec cives pro lubitu aes alienum contrahere patiebantur (3).

Neque minus in domesticam civium vivendi rationem inquirebant. Luxum, mollitiem omniratione impugnare studebant, unde eos acriter notabant, quorum nimius in re domestica luxus, nimiive in conviviis sumtus erant (4). Sic Cornelium Rufinum, Consulatu et Dictatura functum, triumphi honore insignem, Senatu moverunt, quia eum compererant argenti facti, coenae gratia, decem pondo habere (5).

Coe-

(1) Valerius Max. L. 2. C. 9. Ex. 7. (2) Liv. L. 24. C. 18. (3) Gellius N. A. L. 4. C. 12, ubi tales aerarii fieri dicuntur. Beaufort l. l. p. 77. (4) Plutarchus in Catone Maj. p. 345 B. (5) Gellius N. A. L. 17. C. 21. Argentum autem factum est vasa argentea, teste Manutio *de civ. Rom.* apud Graevium l. l. Tom. 1. p. 35. Cf. Liv. Epit. L. 14.

Coelibes porro notabant et poenae nomine *aes uxorium* solvere jubebant (1). Peculiarem autem ipsos matrimonii habuisse curam, atque spectasse, ut firma esset et stabilis haec vitae conditio, ex Marci Antonii patet exemplo, quem, cum uxorem, nec parentibus nec amicis in consilium adhibitis, repudiasset, Senatu ejecerunt (2).

Gravissime etiam Censores in perfidos et perjuros animadvertabant. Cum enim Romani tam in contractibus privatis, quam in publica civitatis administratione tanta religione fidem colebant atque jusjurandum, ut, teste Polybio, perfidiae aut perjuriae diu vix quispiam reus deprehenderetur; mirum profecto non est, et optimis temporibus hanc fidei et jurisjurandi sanctitatem aluisse Censores, et vero, moribus a pristina virtute deflectentibus, severos eos fuisse avitae integritatis vindices ac statores (3). Unde factum, ut non tantum perjuros notarent, sed et eos omnibus subinde notis castigarent, qui jurisjurandi vim elidere studuerant (4).

De-

(1) Valerius Max. L. 2. C. 9. Ex. 1. Festus in voce *uxorium* et ad h. l. Scaliger. et Dacier. Ceterum eos ipsa civium attendisse matrimonia patet e Plut. in Cat. Maj. p. 345 B. (2) Valerius Max. L. 2. C. 9. Ex. 2. (3) Lib. 6. C. 56. Cf. Cicero de Orat. L. 2. C. 90. (4) Cujus rei exemplum v. apud Liv. L. 24. C. 18.

Denique omnia notabant Censores, quae morum bonitati vel leviter adversarentur. In ipsa adeo facta dictaque inquirebant, quae five publice five privatim admisa honestati repugnabant. Sic M. Duronium, quia legem sumtuariam de conviviis impugnaverat, Senatu ejecerunt (1). Eadem ignominia, virum omnium opinione Consulatu dignissimum, Manlium affecit Cato, quia uxorem interdum, in conspectu filiae, fuerat osculatus (2). Imo vero vindicabant magistratuum reverentiam, videbantque, num suis omnibus tribueretur honos (3).

Cum igitur haec maxime in civitate vitia attenderent, suisque notis castigarent Censores, jure hoc loco de eorum, quos notaverant, conditione, id est, de notarum vi, quaeri solet. Etenim tam peculiaris illa fuit, ut, qui inter Censorias notas atque poenas, ab aliis magistratibus inflictas, non accurate distinguant, a vero longe abesse videantur. Primum enim Censorum notae dici vix possunt poe-

(1) Valerius Max. L. 2. C. 9. Ex. 5. Tiberius Gracchorum pater solebat Censor in eos animadvertere, qui ad multam noctem conviviis et poculis indulgebant. V. Plut. in vita Gracc. p. 831 A. Cassius Longinus et Caepio Censores Lepidum Aemilium adesse jubebant, quod sex millibus aedes conduxisset. Vell. Pat. L. 2. C. 10. (2) Plut. in Cat. p. 346 C. (3) Exempla v. apud Gellium N. A. L. 4. C. 20.

poenae. Nam neque cives carcere coercere, neque poenâ pecuniariâ proprie afficere poterant, nec infamiam, verum *ignominiam* pati dicebantur notati (1). Quodsi Censores in ea animadvertiebant vitia, quae legibus quodammôdo obnoxia erant, poterant etiam delinquentes iudicis condemnari sententia: nam, ut Cicero tradit, nunquam animadversionibus Censoriis ita steterunt Romani, ut rebus iudicatis (2). Poterant porro, in quos invecti fuerant Censores, cum populi suffragiis, tum iudiciis juratorum absolvi (3). A iudicibus damnati in perpetuum omni et honore privabantur et dignitate, a Censoribus notatis aditus ad honores, reditus in Senatum patebat, nam et proximis Censoribus illatam ignominiam delere licebat. Sic L. Metellus, quem cum nobilissimis juvenibus post cladem Cannensem Italiam relinquere voluisse vidimus, a Censoribus equo privatus, tribu motus, acrius factus, dein populi suffragiis creatus fuit Tribunus Pl. (4), cui tamen Censores suum in Senatu locum denegarunt (5). Pariter Mamer-cum Aemilium a Censoribus, quia Censurae tempus minuisset, notatum (6) dein A. Cornelius Cos-

(1) Van Geuns l. l. p. 18. (2) Pro Cluentio C. 42. (3) l. l. C. 43. Cf. C. 45. (4) Liv. L. 24. C. 43. (5) Idem L. 27. C. 11. (6) Idem L. 4. C. 24.

Cosſus Tribunus Militum Conf. Pot. Dictatorem dixit (1). Cajus vero Geta, quem Q. Metellus et Cn. Domitius Cenſores e Senatu eiecerant, a proximis Cenſoribus hac nota liberatus, ipſe poſtea Cenſor fuit; et ita, cujus mores a Cenſoribus erant reprehendi, hic poſtea et populi Romani, et eorum, qui in ipſum animadverterant, moribus praeſuit (2). Quae cum ita ſint, merito iudices rogat Cicero, quæ tandem hae notae appellentur judicia, quae a Populo Romano reſcindi, a juratis iudicibus repudiari, a magiſtratibus negligi, ab iis, qui eandem poteſtatem adepti ſunt, commutari poſſunt (3). Quocirca notis ſuis famam ignominiae et damno inquinabant Cenſores, neque eorum iudicium damnatis quidquam praeter *ruborem* afferebat (4).

Haec de graviſſimis Cenſorum muneribus dicenda putavimus, quibus addi poſſunt plurima, quae Edictis ſuis conſtituere poterant, negotia, veluti de hominibus edicebant, qui, quoque numero metallis eſſent adhibendi, aliaeque tam Romae proponebant, quibus quasvis reprime-

rent

(1) l. l. C. 31. Pariter in ludis L. Quintii maculam tenuit Populus. V. Plut. in Catone Maj. p. 340 C.

(2) Cicero pro Cluentio C. 42. (3) l. l. C. 43.

(4) Nonius voce *ignominia*.

rent turbas, quam extra urbem, ut civitatis redditus rite administrarentur (1).

Cum igitur haec omnia descripsimus munera, operae pretium est jam observare nonnulla, quae huic magistratui propria prorsus privaque fuisse videntur. Primum enim Censores non, uti caeteri magistratus, aliquamdiu designati erant; verum, quam primum populi suffragiis creati erant, munere fungi incipiebant (2), praestito tamen prius jurejurando, omnia se summâ diligentia et justitiâ peracturos, curaturosque, ut ne ullo ducerentur partium studio (3). Magistratu abeuntes iterum jurabant, se nihil contra leges fecisse, unde dicebantur *jurare in leges* (4), tum in aerarium descendebant, nominaque eorum, quos aerarios reliquerant, edebant (5).

Quodsi in magistratu alter Cenfor moreretur, primum in ejus locum alius sufficiebatur; dein vero, cum Roma a Gallis lustrò capta erat, quo alius in mortui locum creatus erat Cenfor, constitutum, ut ne in posterum hoc amplius obtineret (6) et superstes Cenfor magistratu abdicaret (7).

Hoc

(1) Beaufort p. 99. (2) Liv. L. 40. C. 45. (3) Zonaras L. 7. p. 349. Cf. Hottom. ap. Graev. Tom. 2. p. 1865. (4) Liv. L. 29. C. 37. Ibique Crevier. (5) Liv. l. 1. (6) Liv. L. 5. C. 31. (7) Liv. L. 6. C. 27.

Hoc autem Cenforum munus cum tam amplum esset, facilemque animum praeberet potestate abutendi, imo in cives dominandi, primum C. Marcius Rutilus, altera vice Cenfor, probante populo, constituit, ut ne bis idem hoc munere fungeretur (1). Veruntamen vel sic etiam poterat, vel nimia vitae morumque auctoritate, vel partium studio vehementer hic civibus molestus esse magistratus. Sic, ut his utar, Mamercum Aemilium non ob morum aliquod vitium, verum propter imminutam Censurae potestatem, tribu moverunt, octuplicatoque Censu fecerunt aerarium (2). Pariter Cato, postquam Scipionem Africanum, quo cum inimicitiae ipsi intercedebant, diu frustra petierat, dein Cenfor ejus fratrem Lucium equo privavit, idque ab omnibus in Africani contumeliam fecisse judicabatur (3). Alii praeterea Censores ob levisimas causas gravius, quam par erat, in cives animadvertabant, unde variae, quae auctoritatis abusum coercerent, exstiterunt leges. Primum enim, non semper Cenforum sententiam probabat Populus, saepiusque in notatis amplissima munera, ipsam adeo Censuram defererebat (4).

Prac-

(1) Valerius Max L. 4. C. 1. Ex. 3. Plut. in Coriol. p. 214 A. (2) Liv. L. 4. C. 24. (3) Plut. in Cat. M. p. 344 D. et 346 D. (4) V. p. 21.

Praeterea , quod huc imprimis facit, voluerunt Romani , ut alterius Cenforis notas probaret alter , nec, dissentiente alterutro , Cenforia animadversio rata haberetur (1), unde dici vix potest, quantum et in publicam civitatis et in privatam uniuscujusque conditionem redundaret utilitatis. Sic enim suis viribus valens nullisque fere limitibus circumscripta potestas , bilancis instar , ab altera parte alteri oppositum momentum nacta , haud facile tollebatur , atque in ipsam Rempublicam dominari poterat. Cives autem , cum vel injustis vel nimium severis collegarum notis se plerumque opponerent Censores , tuti ita erant cum ab adversariorum malignitate , tum a religiosi nonnullorum animadversionibus. Attamen haec , ad notandum requisita , consentiens utriusque Cenforis sententia , utut civitati utilissima esse posset , cavendum tamen , ut eam semper Reipublicae profuisse censeamus ; fiebat enim subinde , ut , quae privatae ipsis secum invicem intercedebant , communi omnium saluti anteponentes inimicitias , collegarum notas impugnarent Censores , neque igitur quidquam efficeretur ; unde summam semper

(1) Ex. V. apud Liv. L. 40. C. 51. L. 42. C. 10. L. 45. C. 15.

per in eo curam ponebat Senatus, ut ad odium mittendum eos exhortaretur (1).

Quaeri autem hoc loco potest, num Censores rationibus reddendis fuerint obnoxii, nam, licet ipse hoc neget Dionysius Hal. (2) sunt tamen, quae ejus fidem dubiam faciant, contrariamque probent sententiam, luculentis fane documentis. Primum enim, unum si excipias Dictatorem, omnes Romae magistratus rationes reddere debuerunt. Accedit praeterea, quod apud Livium, C. Claudius et Tib. Sempronius Gracchus, P. Rutilio Tribuno Pl. iis diem dicente, causam ad populum dixisse memorantur, cum etiam nunc munere Censorio fungerentur (3), unde haud immerito efficitur, certissime eos post justum magistratus tempus privatos reddidisse rationes. Ne autem quis nostram sententiam infirmari putet alio apud Livium item obvio loco, quo Cn. Baebio Tribuno Pl., diem utrique Cenfori ad populum dicenti, Senatus adversatus fuisse traditur (4), animadvertimus, nunquam fere Senatum nimiam probasse populi in magistratus inquisitionem, nec ullo modo ejus ferre potuisse de istiusmodi viris judi-

(1) Egrege de hac re Metelli ad Censores exstat apud Livium oratio L. 40. C. 46. (2) In excerptis p. 748. Ed. Sylb. (3) L. 43. C. 16. (4) L. 29. C. 37.

dicium , qui ipsi populi moribus praeessent , unde facile eveniret , ut populari aerae obnoxia esset Censura.

Prouti autem rationes populo reddere debuerunt Censores , sic in semet invicem animadvertere , alterque ab altero notari potuisse videtur. Apud Livium certe Claudius Nero et M. Livius Salinator Censores se invicem equis privasse et aerarios fecisse memorantur (1).

(1) L. 29. C. 37.



CAPUT SECUNDUM.

DE CENSORUM IN REPUBLICA ROMANA AUCTORITATE ET EXISTIMATIONE,

Cum jam pro viribus Censorum in Republica Romana descripsimus munera, ad ipsum nunc, de quo disputare constituimus, disertationis progredimur argumentum, proximumque est, ut uberius, quam Censores habuerint, et auctoritatem proponamus et existimationem. Quandoquidem vero de nulla facile re probabiliter disferi potest, nisi quod qualeque sit illud, de quo agitur, prius et declaretur et percipiatur, requiri hoc loco putamus, ut, antequam Censorum memoremus auctoritatem et existimationem, primum, quae sit auctoritas, quae existimatio, et quo nomine a se invicem distinguantur, adumbremus.

Auctoritatem igitur hoc loco volumus eam,
quam

quam a munerum amplitudine mutuatur magistratus. Ita enim, qui possunt jubere, vetare, dicuntur habere *auctoritatem*, quae eo major esse solet, quo amplior est haec jubendi vetandique potestas. Existimatio vero universae aliorum hominum notat de nostris moribus opinionem, atque fere semper in bonam sumitur partem. Quodsi hanc homines existimationem verbis declarant, *laus*, sin rebus, *honor* dicitur. Hoc sensu alios laude et honore complectimur, si magnifice de illorum virtutibus existimantes, magni illos facimus, observamus, veneramur. Istiusmodi existimatione esse etiam intelliguntur magistratus, quos cives colunt, diligunt, in oculis ferunt. Atque inde gravissimum percipitur, quod inter utramque vocem intercedit, discrimen. Nam uti auctoritas, qua valent magistratus, in ipsorum munere, sic eorum existimatio in civium posita est opinione.

Cum autem munerum amplitudini, ut reliqui magistratus, sic et Censores suam potissimum debuerint auctoritatem, is maxime in disputando probandus videtur ordo, ut, quemadmodum supra a levioribus fere ad graviora eorum munia progressi sumus, sic hoc loco, munerum habitatione, quam a singulis mutuarentur, exponamus auctoritatem; existimationem vero, cum eodem disputationis cursu difficilius contineri posse videatur, separatim tradamus.

De

§. 1.

De Auctoritate Cenforum.

Ex vectigalium, quam habebant Cenfores, administratione haud peculiarem sibi comparasse videntur auctoritatem. Licet enim nova subinde vectigalia Senatui statuenda proponerent (1), jus tamen eorum constituendorum procul dubio penes Senatum fuit. Ipsi tantummodo ea elocabant, atque eatenus quaedam illorum erat auctoritas, quatenus Cenforiis suis legibus multa, quae huc spectabant, statuere poterant, cujus rei in eo est exemplum, quod edicto subinde eos summovebant, quibus locare nolebant (2). Quin si ipsum vectigalium constituendorum jus Cenfores habuissent, haud tamen eam exinde comparare potuissent auctoritatem, quae non aliis competeret magistratibus.

Majorem longe auctoritatem nanciscebantur ex locorum publicorum privatorumque cura. Sic enim poterant aedificia aliaque opera facienda reficiendaque locare. Poterant item magnam in cives vim exercere, cum aquis publicis, quas canalibus in usum suum derivaverant, ipsis adi-

(1) Vid. p. 6. not. 2. (2) Liv. L. 39. C. 44.

adimendis, tum aedificiis eorum, si paululum in publicum prominerent, demoliendis, in quibus omnibus quum liberrima eorum esset potestas, non una omnium fuit hac in causa agendi ratio, sed alius alio majorem exercuit auctoritatem. Huc autem omnium maxime pertinet templorum, quae locis publicis continebantur, cura. Nam, licet Cenforum auctoritas exinde notius majus, quam ex aliis publicis locis, ceperit incrementum, peculiarem tamen, nec aliis magistratibus propriam eorum reddidit rationem, omninoque effecit, ut non tantum civile, sed sacrum quodammodo et sacerdotale eorum esset munus.

Haec autem auctoritas maximopere augebatur Censu. Cum enim apud eos cives possessiones profiteri deberent, primum quidem eorum, qui vel in aestimatione mala fide egerant, vel se censeri neglexerant, bona publicabant (1): tum vero ea bonorum aestimatione poterant, quae vellent, comprehendere, eaque ipsa pro lubitu aestimare. Sic M. Porcius Cato et L. Valerius Flaccus Cenfores ornamenta, vestes muliebres, vehicula, utensilia, quae pluris quam quindecim millium aeris erant, censu comprehendere iusserunt. Mancipia autem, quae decem millibus aeris

(1) Vid. p. 9.

aeris venerant, decies (1) tanto pluris, quam quanti essent, aestimarunt, atque his rebus terni in millia aeris addiderunt (2). Pariter Censores Mamerci Aemilii, post legem de minuendo Cenforii muneris tempore perlatam, octies pluris aestimarunt censum, quam quanti revera aestimari debebat (3); unde merito Festus, Censores, inquit, dicuntur, quod rem suam quisque tanti aestimare solitus sit, quantum illi censuerint (4), et Varro, Cenfor est, ad cujus censurionem, id est, arbitrium censetur populus (5).

Ex his autem, quae hactenus declaravimus, uti magnam fuisse patet hujus magistratus auctoritatem, sic peculiarem prorsus eam fuisse ex morum demum, quam habebat, intelligitur cura. Eâ enim uti Principes in civitate viros Senatu ejicere, equo privare, tribu movere, sic cives universi ita notare poterant, ut, qua unice gloriabantur, vim in comitiis amitterent prorsus, et ita revera cives esse desinerent. Cujus Censoriae auctoritatis quo melius percipiat amplitudo, attendere operae pretium est cum Romani Senatus dignitatem, tum Romanorum de civitatis jure opinionem.

Ut

(1) *Decies* pro *Decem* legendum monet Crevier ad Liv. L. 39. C. 44. (2) Liv. l. i. Plut. in Cat. Maj. p. 346. E. (3) Liv. L. 4. C. 24. (4) De Verb. Sig. voce *Censores*. (5) De Ling. Lat. L. 4. p. 24. Ed. Biont. Cf. Sigonius, de *Ant. jure Civ. Rom.* L. 1. C. 14:

Ut igitur ex clasico imprimis Polybii locum rem universè exponam, Senatus aerarii habebat dispensationem, deque Reipublicae sumptibus et redditibus statuebat. Legatos vel concilandae pacis, vel belli indicendi, vel imperandi, vel quarumcumque rerum causa mittendos sua auctoritate legabat. Exterarum gentium legationes audiebat, earumque causas dirimebat. Imperatores deligebat, iisque ob res bene gestas triumphum concedebat. De sociorum controversiis, de delictis tam in Italia quam in Provinciis commissis cognoscebat. In ipsis Comitibus Curiatis et Centuriatis nil agi poterat, nisi antea Senatus approbasset, neque perfici quidquam, nisi SCto confirmatum esset (1), unde merito a Cicerone Senatui ipse populus moderandi et regendi sui potestatem, quasi quasdam habenas, tradidisse dicitur (2). Hujus autem amplissimi consilii ii tantum participes erant, qui primum a Regibus, tum a Consulibus et dein a Censoribus erant lecti. Qui cum in legendo et ordinis generisque, et census, et actatis, et magistratuum, et verorum morum haberent rationem, atque ita difficillima esset ad hanc dignitatem via, factum est, ut, qui illa fungebantur, magnâ, tam ob muneris am-

(1) Polyb. L. 6. C. 13. Cicero in Vatinius C. 15.
 (2) De Orat. L. 1. C. 52.

amplitudinem, quam suas ipsorum laudes, apud omnes essent existimatione. Hinc igitur variae, quae apud antiquos exstant, Senatus laudes. Nam et sanctissimus ordo, et urbis ornamentum, et splendor civium habebatur. Nec solum ob muneris dignitatem tantus huic magistratui constitit honos, verum ipsis Senatoribus evidens inesse debuit prudentiae, gravitatis, majestatis significatio, qua ita se commendarent, ut et exteri universe magni illos facerent, et Pyrrhi legati urbem Romam sibi templum, Senatum autem Regum confesum visum fuisse dicerent (1). Quocirca cum tanta hujus ordinis et potestas esset et existimatio, quantam exterae adeo gentes suspicerent et colerent, quae tandem amplior, quam Cenforum, excogitari potest auctoritas, penes quos ut legendi Senatores, sic praetereundi amplissimique honoris adimendi, fuerit potestas?

Verum hujus auctoritatis amplitudo magis etiam ex veterum intelligitur de civitatis jure opinionibus. Summus antiquitus habebatur honos, inclytae, praeque ceteris excellentis, civitatis esse participem. Quo nomine quum et in Graeciâ Sparta et in Italiâ Roma celebraretur, fiebat ut vicinae gentes summo studio his civitatibus adscri-

(1) Florus L. 1. C. 18.

scribi niterentur. Verum, ut ne, cum omnibus hoc honore communicando, ejus integritatem minuerent, varias excogitarunt formas, quibus cum aliis minore cum dignitate tribuerent. Hinc factum, ut, licet Spartanæ civitatis Lacedæmonii, Romanæ autem Latini, Socii, Itali, Provinciales participes essent, minore tamen, quam ipsi Spartani aut Quirites, fruerentur et honore et auctoritate in ipsius, cui adscripti erant, civitatis concionibus (1). Quod quum hæc gentes ægerrime ferrent, id præcipue curabant, ut eadem, quæ Quiritium, sua fieret conditio; et quandoquidem irriti eorum fere erant conatus, nobile tandem illud Sociale moverunt bellum, quo effectum, ut Romanam civitatem consequerentur omnes. Cum igitur aliæ gentes summa infima moverent, ut plenissimum illud civitatis jus assequerentur, et ita in populi conciones vim haberent, intelligitur profecto, quantopere ipsi illo gloriarentur cives Romani, qui non beneficii loco, sed a parentibus, civibus Romanis, illud acceperant, inque eo velut nati et educati erant. Hi igitur hujus juris et honori et emolumentis assueti, tanti illud habebant, omnia ut potius, quam civitatis jus imminutum fer-

(1) Cl. van Heusde in *Diat. in Ant. civ.* p. 51-54.

ferrent. Et vel sic tamen poterat illud cum capitis diminutione adimi, tum Censorum notis infringi. Etenim quamprimum aerarii fierent, licet nomine cives Romani essent, tantilla tamen eorum in Comitia vis erat et auctoritas, ut ab eorum suffragiis vix quidquam penderet. Hinc igitur efficimus, tantam Censorum fuisse auctoritatem, quantam aliis fere nullis magistratibus competiisse constet. Nam utut magna esset Praetorum, Tribunorum Pl., Consulum potestas, multis tamen haec adjuncta et ornata dignitatis insignibus, magis vel in civitatis administratione, vel in singulis civibus coercendis puniendisque versabatur, quam in eorum et honoribus minuendis et civitatis juribus infirmandis. Censores autem, licet nulli ipsis apparerent Lictores, nec legum ferendarum, Comitiorumve convocandorum jus haberent; licet haud de civium vita et nece statuere, nec carcere eos coercere possent, tantam tamen et censu et vero morum cura in civitatem vim habebant, ut omnium ab illis civium penderet conditio. Unde factum, ut Imperatores, quum tanta hujus magistratus auctoritas nimium eorum limitaret potestatem, eam sibi sub *Praefecti morum*, *morum legumque regiminis perpetui* aliisque titulis assumerent. (1)

§. 2.

(1) Suet. in Caes. C. 76. et in Aug. C. 27.

De Existimatione Censurum.

Huic autem, quam hactenus declaravimus, auctoritati aequiparata fuit existimatio. Cujus quae brevia quidem, sed luculenta apud veteres exstant documenta, hoc imprimis loco sunt proponenda. Solebant igitur Romani Censurâ eos plerumque Consulares ornare, qui optime de Republica meruerant, suaeque probaverant vitae morumque integritatem (1). Cum autem huic magistratui omnia, praeter Lictores, Consularis dignitates insignia tribuerent (2), major adeo illius, quam Consulium, evasit existimatio. Censuram enim habebant nobilissimam ἀρχὴν, imo omnium, quibus quis fungi poterat, τιμῶν κορυφὴν (3).

Magni profecto apud Romanos ii habebantur, qui patriae hostes vel fugaverant, vel imperio Romano subjecerant. Haec fuit Marcelli, Scipionum, Glabrionis, aliorumque a Romanis perpetuo celebrata laus. Istiusmodi viri, triumphum plerumque honore insignes, summa apud omnes cives erant existimatio-

(1) Beaufort l. l. p. 109. (2) Zonaras L. 2. V. Thef. Graec. Tom. 2. p. 1865. (3) Athenaeus Deipn. L. 14. p. 327. Plut. in Catone Maj. p. 345 A. et in Flam. p. 379 A.

tionem. Et vel sic tamen tantum aberat, ut eorum existimatio Censorum anteponeretur venerationi, ut Censurae potius munere, quam bellicis honoribus Romani gloriarentur. Ornatisimos enim et clarissimos adeo Imperatores sua de civitate merita hac omnium gestarum rerum ἐπιτελείωσι cumulare censebant (1). Sic, ut alios mittam, quum in Paulum Aemilium, de Macedonibus victorem, omnibus gratum acceptumque, et morum se maxime commendantem probitate, omnes conferre instituerent honores, non Praeturam ei aut Consulatum iterum, sed Censuram mandarunt, πασῶν ex eorum, opinione ἱερωτάτην ἀρχὴν (2).

Cum igitur tantus hujus magistratus, quantum jam declaravimus, esset honos, fiebat saepius, ut, qui et illo et aliis magistratibus fuerant perfuncti, in amplissimi muneris memoriam *Censores* dicerentur (3). Ad familiarum autem dignitatem tuendam et ornandam quantopere faceret Censura, exinde patet, quod ipsi antiqui commentarios, qui ex proavis aliquem Censorem fuisse probabant, a patribus acceptos maxime

(1) Plut. l. l. (2) Plut. in Aem. p. 275 D. Cf. omnino Plut. in Crasso p. 566 A. (3) Beauport l. l. p. 111. Ipse adeo Cicero, quo magis L. Mummius celebraret, mihi addidisse videtur: *Africani in Censura collega*. De Off. L. 2. C. 22.

maxima cura posteris, tanquam paterna sacra, tradere conarentur (1). In praestantissimis igitur proavis memorandis, eos religiose fere afferunt, qui Cenforium munus gesserant. Sic Tacitus de L. Pisone (2) et Vitellio Imperatore (3) tradens, eorum patres *Censores* fuisse dicit; quo praecipue modo et paternae gloriae consulit et ipsius gentis egregie tuetur dignitatem. Vitellius autem tanti hoc patris munus, tamque et sibi et genti honorificum ducebat, ut nummos conficiendos curaret, quibus Cenforiam patris dignitatem ab oblivione vindicare (4). Imo nummis et statuis nil aliud plerumque inscriptum erat, nisi *Censoris* nomen (5). Sic igitur et alii et ipse Vitellius, utut tres Consulatus gessisset (6), *Censurae* tamen, omnium in civitate honorum cumulo et consummationi, suum familiaeque decus debere censebantur. Ceterum ex Imperatoribus alii sub aliis titulis Cenforum exercebant auctoritatem, alii contra honoris stimulo incitati non tantum dignitatem, sed et titulum assumebant. Sic Claudius una cum Vitellio, sic Vespasianus honorificum id rati, *Cen-*
so-

(1) Dionys. Hal. L. 1. C. 74. (2) Ann. L. 6. C. 10.

(3) Hist. L. 1. C. 9. Cf. Livius L. 25. C. 5.

(4) Spanhemius *de usu et praest. num.* Tom. 3. Diss. 12. p. 475 seq. (5) Pitiscus in voce *Censura*.

(6) Suet. in Vitellio C. 2. Tacit. Hist. L. 1. C. 52.

fores se dici volebant. Pariter Domitianus longae imprimis titulorum seriei cupidus *Censoris perpetui* adsciscebat nomen (1).

Et haec quidem omnia, quae hactenus disputavimus, si vera sunt, affirmare equidem nullus dubito, tantam Censoribus in Republica Romana auctoritatem fuisse et existimationem, quantum caeterorum, quod sciam, magistratuum nulli.

(1) Beaufort p. 115. Non igitur hoc loco audiendus est Dio Cassius, cum Augustum ideo se Praefectum potius morum, quam Censorem dici voluisse tradit, quia id parum honorificum esset nomen. Cf. omnino Casaubonus ad Suet. Jul. Caes. C. 76.



CAPUT TERTIUM.

DE CAUSIS, QUIBUS FACTUM VIDEATUR, UT
TANTA ESSENT CENSORES APUD ROMANOS
CUM AUCTORITATE TUM EXISTIMATIONE.

SECTIO PRIMA.

DE ANTIQUARUM CIVITATUM CONDITIONE.

Accedimus jam ad disputationis nostrae partem praecipuam, ut causas exploremus summae illius Cenforum apud Romanos cum auctoritatis tum existimationis. Quod sane argumentum summi esse videtur momenti. Non enim satis est in rebus historicis tractandis, referre tantummodo populorum instituta; quamquam hoc accurate et diligenter agendum est; principia item sedulo indaganda sunt, e quibus res omnes majores exstiterunt. Sic demum ex historiae studio

dio fructus nobis percipere liceat uberrimos et ad negotia humana perspicienda efficacissimos.

Et Censoriae quidem auctoritatis causae, ut positaе sunt partim in munerum dignitate, quibus fungebantur apud Romanos Censores, ita ex praecedenti disputatione nostra jam quodammodo intelliguntur. Verumtamen longe maximam partem ducendae sunt ex antiquarum civitatum, maxime Romanae Reipublicae, conditione interiore. Hinc enim unice explicatur, cur morum cura, quod princeps erat Censorum munus, tantopere valuerit ad eorum augendam vim et existimationem. Ut igitur res pro dignitate quodammodo explicetur, altius est repetenda; quod fuerit antiquitus morum momentum, explorandum; veterum omnino civitatum conditio indaganda. Et quandoquidem in eo disputationis nostrae vis potissimum versatur, hanc non modo adumbrandam conditionem, sed gravissimis argumentis probandam opinamur. Age igitur et ex *civitatum indole*, et ex *legumlatorum institutis* et ex *historia antiqua* veram earum declaremus ac probemus rationem.

§. 1.

Moribus antiquae nitebantur civitates.

Quotquot antiquitus in Graecia et Italia existerunt civitates, ex veterum Politicorum sen-

tentia *universali* erant, *communitates*, *societates*, e sacrorum *communione* oriundae, sed deinceps ad politicam conditionem adaptatae. Constabant tribubus, earumque principibus. Politicae societatis studio omnes in concionem, Principes maxime in Senatum conveniebant. Omnes itaque communibus consiliis rebus civitatis prospiciebant, eamque conjunctis viribus propugnabant. Sic, cum sua quisque ratione civitati confuleret, nec unus omnia ageret, sponte existerat omnium inter se civium aequalitas, qua, legum iurumque habita ratione, par erat omnium, tanquam civium, conditio (1).

Cum igitur huic omnium aequalitati ita alterius civis prae altero repugnaret auctoritas, ut, ubi haec adesset, civitatis vis sublata censeretur prorsus, quumque esse tamen deberet, qui caveret, ne haec in anarchiam abiret aequalitas, sponte accidit, ut tanta a civibus vis tribueretur legibus, quanta ceteroquin pro variis regiminis formis variis tribuitur hominibus. Unde factum, ut prouti Orientales *Regem*, sic antiquarum *cives* *Rerumpublicarum* dominam agnoscerent *legem*, cui parerent, a qua penderent, cujusque se servos profiterentur (2).

Verum utut hoc arctum erat, quo *cives* et
in-

(1) Cl. v. Heusde l. l. p. 45.

(2) Herod. L. 7. C. 104.

inter se et cum civitate conjungebantur, vinculum, haud tamen poterat haec eorum, quae vere dicatur, firma manere et stabilis servitus, nisi ipsis inesset, quo ad hanc legum ducerentur observantiam. Nam cum, praeter ipsas leges, nullus eos illis obsequi cogeret, dominus, neque igitur vi aut armis eo impellerentur, intelligitur profecto, diuturnae illius et religiosae in antiquis civitatibus legum observantiae in ipsis civibus positam fuisse causam. Ut legum se servos haberent, illisque sponte obsequerentur, ipsi eorum fecerunt mores; qui quidem quamdiu integri manebant, in toleranda velut servitute faciles erant cives; quamprimum vero labem contrahere, et a pristina virtute recedere incipiebant, et legum vis tollebatur prorsus, et ipsae in pejus ruebant civitates. Veluti enim in regno Orientali omnes, nolentes licet et invitos, adigunt tamen ad suas leges observandas Rex, sic in antiquis civitatibus, societatibus quippe et sociorum communionibus, vanae erant sine moribus leges, ipsarumque civitatum vis debilitabatur et tollebatur tota.

Hinc igitur patet, mores, quos Romae Censores curabant, firmissimum civitatum fuisse praesidium. Quod quum veteres ipsi egregie perspicerent, moribus civitates superstruere conabantur. Et quandoquidem eorum conatibus nostra

tra

tra imprimis confirmantur dicta, principum jam Legumlatorum operae pretium est explorare leges.

§. 2.

Ad morum servandam integritatem pleraque spectabant Legumlatorum instituta.

Multum profecto aberat, ut civitatem veteres machinam haberent, quae extrinsecus motus causam acciperet (1), neque eam, ut Platonis verbis utar, e ligno aut saxo, sed e civium moribus oriri, iisque confirmari ac stabiliri putabant (2). Quocirca id potissimum Politici egerunt, et Legumlatores, ut cum scriptis suam de morum efficaciam doctrinam aliis traderent, tum in civitatibus quique morum consulerent bonitati. Hinc palmaria Platonis, Aristotelis, aliorumque hac de re exstiterunt placita; Lycurgi, Solonis, Zaleuci, Charondae instituta. Sed, philosophis misis, qui placita enunciarunt tantum, legumlatores attendamus, qui illa ad rem et effectum perduxerunt.

Ut igitur ab antiquissimo ordiamur, tantam morum

(1) De Geer Diat. in Pol. Plat. principia p. 125.

(2) De Rep. L. 8. p. 544 D. Locum debeo Cl. Heusdio l. l. p. 58.

rum bonitati vim tribuebat Lycurgus, quantam expectari par erat a viro, qui cum in aliis regionibus, tum in Creta imprimis peregrinatus erat (1), diligenterque omnia Cretensis legislationis attenderat instituta. Itaque, cum intelligeret, citius nunquam quandam homines contrahere posse morum bonitatem, sed efficacissimam esse in reliquam vitam, qua, ineunte aetate, imbuimur, virtutem, primum praecipuumque legislatoris munus in juventute rite instituenda et ad praeclara quaeque informanda versari censebat (2). Sic voluit, ut ad communia civium suscitia admitterentur pueri, tanquam ad *διδασκαλεία σωφροσύνης*, in quibus de rebus politicis loquentes audirent cives, ingenuosque viderent magistros (3). Ita jusfit, non parentes, verum ipsam patriam puerorum prospicere educationi, septennio nimirum majores praestantissimis civibus alendos tradi et instituendos (4), ut ita pendentes ab horum ore virorum, nec umquam ab iis decedentes, eorum metu, exemplo, et vero praeceptis monitisque ad patriae amorem, aliasque, quae Reipublicae prodesfent, excitarentur virtutes.

Neque tamen hic praestantissimi legislatoris substituit cura. Nam, ut ne cives luxuriâ corrumpe-

(1) Plut. in *Lyc.* p. 41 C. (2) Plut. l. l. p. 47. B et D. (3) Plut. l. l. p. 46. D. (4) Plut. l. l. p. 50. A Cf. D.

perentur, ferream induxit monetam, cujus cum apud alias gentes nullum pretium esset, facile omnes artes, quae ad luxuriam pertinebant, Spartā arcebantur; imo vero ita luxus sensim ἀπερμηθείσα τῶν ζωπυρούντων καὶ τρεφόντων αὐτὴν, δι' αὐτῆς ἐμαραινέτο.

Idem in suscitatis instituendis spectavit Lycurgus. Quum enim cives secum invicem coenare, vescique communibus et praescriptis cibis obsoniisque juberet, vetuit simul domi comedere, quippe illic sumtuosis tapetibus, a coquis et macellariis, voracum animalium instar pinguefacti, ad omnem libidinem et intemperantiam proni, longis libenter se somnis dantes, calidis balneis, quieti et quodammodo καθημερινῇ νοσηλείᾳ indulgentes, una cum moribus corpora corrumpere-
(1).

Præterea Lycurgus, moribus leges unice nidi debere ratus, celebratam tantopere induxit xenelasiā, quae, licet haud sciam an civitati universæ noceat magis, quam profit, id efficiebat certe, ut ne peregrini ullius mali in civitate adessent doctores, a quorum pravis nimirum moribus magis cavendum censebat, quam a languidorum contagione corporum aliunde advenientiam. Verum simul etiam civibus suis non in-
te-

(1) Plut. l. 1. p. 44 et 45.

regum reliquit, peregre, quo vellent, proficisci, ne externos secum adducerent mores, et ad Spartanam disciplinam negligendam sollicitarentur (1). Quocirca non divitiarum copia, rerum opportunitatibus, virium externarum amplitudine civitatis vigorem contineri putabat; verum, ut unusquisque homo, quo propius a virtute abest, eo est felicior et excellentior, sic, ex ipsius opinione, civitatis felicitas et praestantia in civium posita erat virtute (2). Quam ob rem parum habuit malum coercere, sed patris et educatoris instar (3) ipsam virtutem cives diligere docuit (4). Omnibus rebus aliquam ad virtutem aemulationem, aut ignavias obtreccationem inferuit, et vero exemplorum copia civitatem replevit, quo facilius cives, cum quotidie in ea incidere, cumque iis una velut educarentur, ad honesta quaevis raperentur et conformarentur (5).

Lycurgi exemplum in eo secutus est Solon, quod summam aeque in legibus ferendis morum habuit rationem. Et primum quidem, Lycurgi instar, summam in juventutis educatione posuit
cu-

(1) Plut. l. l. p. 56 C. (2) Plut. l. l. p. 59 A.

(3) de Geer l. l. p. 113. (4) Xenophon Rep. Laced. C. 10. §. 4. (5) Plut. l. l. p. 56 C.

ciram. Voluit enim, ut pueri publice ab optimis magistris instituerentur, atque ad virtutem informarentur. E pueris egresfos jusfit in gymnasio legibus asfuefieri morum probitati unice adaptatis, et curavit, ut ne malorum contagione exemplorum inficerentur. (1)

Porro, quo magis a flagitiis arceret Athenienses, pravis, genere utut et ingenio claris, Sacerdotiis, Magistratibus, Concione, Senatu interdixit. Noluit eos publice dicere, legationem gerere, judiciis praeesse. Quodsi ejusmodi munere fungerentur, gravissimis illos poenis afficiendos censuit (2). Videbat enim vir summus, cum principum ad exemplum omnes se facile componant cives, civitatis commodo prazos haud posse gravissima munera obire (3). Prudenter igitur Athenis erat constitutum, ut, antequam publicum quis munus fusciperet, vitae ante actae coram certis iudicibus redderet rationes. Qua tamen tam parum Athenienses acquiescebant *δοκιμασία*, ut in prima post electionem concione alteram subiret probationem, atque cuiusvis probri reus munere caderet (4). Nam
ma-

(1) Aesch. in Timarch. p. 34 sqq. Tom. 3. Ed. Reisk. (2) Aesch. l. l. p. 39, 44 sqq. et p. 54 sqq. (3) Cicero de Leg. L. 3. C. 14. (4) Potter *Archaeol. Graeca* L. 1. C. 11. p. 62.

magistratum animis justitiam insitam esse volebant (1).

Denique Solon Senatui Areopagitico, quem ni induxit, at confirmavit (2) tamen, peculiam rem morum mandavit curam. Sed de eo infra uberius erit dicendi locus. Superest jam, ut de Zaleuco et Charonda moneamus.

Altero de *Legibus* libro, quo civitati suae sacras leges praescribit Cicero, idem, quod vir doctissimus fecerat Plato, atque gravissimus philosophorum omnium, sibi faciendum censet, ut, priusquam ipsam legem recitet, de ejus laude dicat (3). Plato enim, cum pro ingenii sagacitate et perspicacia penitus civitatum indolem cognitam haberet, nec aliam earum atque uniuscujusque hominis felicitatem censeret, ad hujus exemplum, non vi aut metu, [sed sua civibus voluntate leges colendas dicebat (4). Quocirca non simpliciter, sed cum prooemio leges emitendas, deque gravissimis rebus disquisitione confirmandas putabat; veluti de ipsarum praestantia, de Deorum in bonos benevolentia, in im-

pro-

(1) Isocrates in *Areopag.* Tom. I. p. 331. edit. Batellae. (2) Disputat hac de re Plut. in Solone p. 88 seq. Cf. Potter l. l. L. I. C. 19. p. 88. (3) C. 6.

(4) De Leg. L. 4. p. 716. Cf. omnino de Geer l. l. p. 174.

probris odio; quibus ad legum obedientiam et omnem virtutem sponte cives excitarentur. Hanc autem opinionem cavendum, ne Platoni unice propriam dicamus. Etenim ante eum Zaleucus jam et Charondas legum esse putaverant persuadere aliquid, non omnia vi ac minis cogere (1), ideoque moralia illis praemiserant praecepta. Et haec legum cum prologo emittendarum ratio ut aliis haud immerito forsitan displiceat (2), declarat tamen, quantam praestantissimi hi dumviri morum habuerint curam.

Requiri a civibus praefatur Zaleucus, ut Deos esse credant, et mente coelum considerantes, ejusque ordinem admirantes, pulcerrimum hoc opus nec fortunae, nec hominum solertiae tribuant; colant Deos, ut omnia, quae in vita habentur, pulera honestaque hominibus suppeditantes; integram servant mentem ab omni pravitate, quoniam non sumptuosis Dii delectantur pravorum sacrificiis, verum unice bonorum pulcris justisque institutis.

Ci-

(1) Cicero l. 1. Quamquam Plato nullum ante se legislatorem legibus aliquid persuasisse affirmat de Leg. L. 5. p. 722., et ita *sibi* tribuit, quod ab *aliis* fuit mutuatum, qua de re vid. de Geer l. 1. p. 174. (2) Seneca Ep. 94. p. 383. ed. Morelli.

Cives autem ne implacabili in semet invicem proruant odio, verum ita inimicitias incipiant, quasi brevi in amicitiam redituri. Magistratus ab omni vel arrogancia vel superbia alieni, ne in iudicando amicitiam odiumve praeponant veritati (1).

His palmariis praeceptis alia addidit plurima, quibus ad patriae, parentum, legum, magistratuum amorem et reverentiam excitarentur cives, avocarentur autem ab omnibus illis, quae morum integritati vel paululum repugnarent. Quod quo melius ipsi cederet, magnifice cives de Diis, eorumque in genus humanum providentia et amore existimare didicit. Quotquot in eo essent, ut pravi quid committerent, continuo Deorum templa supplices adire,

(1) Diodorus Sic. L. 12. C. 20. p. 491. edit. Wesfel. Stobaeus Serm. 42. p. 279. Sunt, qui et leges universae et vero hoc proöemium Zaleucum auctorem habuisse negent. Vid. Heinius *Opusc. Acad.* Tom. 2. p. 67. Et omnino, licet dubium vix esse possit, quin, quale illud Stobaeus ac Diodorus nobis servarunt, haud fuerit a Zaleuco scriptum, exinde tamen nondum supposititium totum proöemium esse sequitur: sed, si ipsa Zaleuci verba non habemus, potuit fama aliqua superesse huius proöemii, potuere sententiae, potuit argumentum traditum esse, quod is, qui illud, quale nunc habemus, scripsit, sequeretur. Vid. Heine l. l. p. 71 sqq., ubi eadem Warburtoni traditur sententia.

re, eosque orare jussit, ut suo ipsos consilio adjuvarent, animumque ad virtutem componerent (1).

Pariter Charondas virtuti suas superstruxit leges. Deos, omnium rerum auctores et moderatores, potissimum coli propitiosque reddi jussit. Et quandoquidem eorum, ipso judice, non nisi justis comparatur benevolentia, religiosissime civibus turpia quaevis vitanda erant. Ad haec autem turpia non illa tantum, quae vulgo haberi solent, referebat vitia, vindictam, livorem, furum, sed ignaviam, mendacium, iram, pauperum contentum, verborum turpitudinem. Imo eo procedebat, ut moneret cives, ne eos male haberent, a quibus ipsi male habiti essent.

Monebat porro Charondas, ut cives inter et magistratus eadem esset amoris et reverentiae significatio, animorum omnino conjunctio, quae inter liberos et parentes obtinere solet. Patriam omnes maxima complecterentur caritate. Matrimonium sanctissima fide colerent. Mortuos non lacrymis aut flebili cantu, sed perpetua et grata virtutum recordatione celebrarent. Haec legibus suis vir summus praemisit praecepta,
ca-

(1) Barthel. *Joy. du Jeune Anac. en Grèce* Tom. 5. Cap. 62. p. 319. ed. Sier.

eaque, quo magis omnibus civibus innotescerent, eorumque mentes velut inficerent, festis diebus in conviviiis recitari iussit.

Verumtamen non his praeceptis solum virtutem commendavit, sed ipsae etiam ejus leges spectarunt, ut morum promoveretur integritas. Etenim, quod egregie pronunciavit Aeschylus:

*ἐν παντὶ πράγῃ δ' ἔσθ' ὁμιλίας κακῆς
κάκιον οὐδέν* (1).

quodque in civitatibus quisque suis omnium maxime timuerunt Lycurgus et Solon, idem etiam vidit Charondas, qui, cum animadverteret, optimos saepe viros, quam primum amicitiam et familiaritatem cum pravis contraxisent, primum a virtute recedere, amicorum mox delectari facinoribus, omnique tandem honestate misa, istiusmodi, quae antea vix fando cognoverant, admittere flagitia; hoc igitur cum animadverteret, prudenter illos poenā coercuit, qui improborum consuetudine et amicitia uterentur (2).

Quodsi univēse spectamus Charondae leges, intelligitur facile, non solum delinquentium eum poenam, verum id multo magis spectasse, ut et transgressores ad sanio-
agen-

(1) Sept. c. Thebas v. 605. (2) Diodorus L. 12. C. 12. p. 486. Stobaeus Serm. 42. p. 289 sqq.

agendi rationem adducerentur, et cives exemplo ab omni avocarentur pravitate. Sic, ut his utar, calumniae reos myricâ cinctos coronâ per urbem duci jusfit, ut ita et inter cives de horum hominum pravitate constaret, et vero civitas, cum plurimi tantam vix ferentes ignominiam vel mortem sibi consciscerent, vel urbem relinquerent, iis liberaretur (1). Pariter eos, qui ordines in bello deseruerant, vel patriam omnino defendere recusabant, non ultimo affecit supplicio; verum civitati ad futura servans bella, eos per triduum in foro muliebri vestitu sedere jusfit, opinans egregie, hac ignominiae poena affectos rem deinceps melius gesturos, omniaque facturos esse, ut hanc a se averterent maculam (2).

Sic igitur hujusmodi antiquarum civitatum indolem fuisse declaravimus, ut civium illae niterentur moribus. Vidimus etiam, quantum celeberrimi legumlatores morum tribuerent bonitati. Verumtamen, cum tota haec disquisitio ad Censorum auctoritatem et existimationem explicandam instituatur, veterum Rerumpublicarum conditionem non ex earum indole, et principum virorum legibus significasse sufficiat, sed

(1) Diod. l. l.

(2) Diod. l. l. C. 16. p. 488.

fed id maxime curantes, ut, quae tanquam principia, unde omnia dein ducantur, ponimus, gravissimis probentur argumentis, historicam hoc loco disquisitionem requiri putamus, qua tantum morum in antiquas civitates vim fuisse pateat, ut, illis vigentibus, hae flourerent, lapsis vero, corruerent. Etenim, si mores antiquitus civitatum firmamentum fuisse ex historia apparuerit, tum demum de istiusmodi magistratus dignitate argumentari poterimus, qui firmissimum hoc praesidium tuebatur. Cum vero infinitum foret, nec magnopere jucundum aut utile, de singulis exponere civitatibus, tres potissimum, easque cum virium amplitudine, tum rerum gestarum magnitudine, et vero institutorum excellentiâ nobilissimas in exemplum exhibere juvat: Rempublicam dico Lacedaemoniam, Atheniensem, Romanam.

§. 3.

Vigentibus moribus, viguere, lapsis, corruerunt Antiquae Civitates. — Respublica Lacedaemonia.

Vidimus supra tantam Lycurgum morum habuisse rationem, ut merito iis leges suas superstruxisse censeatur. Cum itaque illas libenter Spartanos accepisse, et per plurima secula religiose observasse constet, supervacaneum sit plu-

ribus demonstrare, Sparta aliquando morum obtinuisse bonitatem. Quod praeterea antiquae luculenter testantur gentes, quae et Spartanos orabant, ut adversus injustos sibi duces essent (1), et ipsam Rempublicam tanquam honestae vitae et rite constitutae civitatis magistram venerabantur (2). Sed hoc nobis est declarandum, integris illis moribus, Spartam viguisse, corruptis vero, in pejus ruisse.

Lycurgi legibus ad morum integritatem Spartani informabantur. Hac autem civium virtute interna civitatis vis cum in modum crevit, ut, parva licet et inops, vigeret tamen, nec potentissimis impar esset hostibus. Haud perspiciebat Xerxes, quomodo Lacedaemonii, numero pauci; nulli domino subjecti, millenos aliquot homines repellerent (3). Verum enim vero cum in illorum animis inesset, quo ad legum observantiam ducerentur, cumque quaevis pro patria subire potius, quam hostibus subjici juberentur, acerrimo legis stimulo incitati praecleara et stupenda subinde edebant facinora. Hinc Leonidas, postquam in Thermopylis cum trecentis Spartanis gravissimum Persarum retardaverat impetum, mox, proditis angustiis, in medios

(1) Xenop. Rep. Laced. C. 14. §. 6. (2) Plut. in Lyc. p. 58 E. (3) Herod. L. 7. C. 101. sqq.

dios se hostes immisit, nec ante quievit, quam in atrocissima clade una cum suis hostium multitudine et pondere obrueretur. In eo enim gloriam posuerat vir egregius, quod, ut vere expresfit Simonides, obeunda morie sanctissimis patriae legibus obsequeretur (1). Hinc ipsae mulieres, cum filii pro patria obiisse nunciarentur, exultabant, proleque sua gloriabantur. Iccirco, ajebat Lacaena, de filii morte certior facta, iccirco genueram, ut esset, qui pro patria mortem non dubitaret occumbere.

Istiusmodi igitur civitas quid mirum si in bello Persico palmaria fortitudinis ederet documenta, et sua integritate, ipsorum Graecorum consensu, Graeciae principatum obtineret. Nam, veluti Herculem poetae fingunt pelle et clava orbem terrarum peragrantem, scelestos et feros tyrannos punivisse, sic quoque Respublica Spartana, Graeciae volenti et lubenti praefecta, unâ scytalâ et pallio injustas in civitatibus tyrannides dissolvebat, seditiones comprimebat: neque armis hanc auctoritatem exercebat, sed uno mittendo legato, cui omnes continuo obediebant, apium instar ad ducis adventum, concurrentes et sese componentes (2).

Hac

(1) Cicero Tusc. Quaest. L. 1. C. 42. (2) Plut. in Lyc. p. 53 B.

Hac itaque morum praestantia per quinque secula Spartani floruerunt. Tum vero morum invalescente corruptela, Lycurgi legibus negligi coeptis, in pejus ruit civitas.

Vidimus supra, quantopere caveret Lycurgus, ut ne peregrini in civitatem irreperent mores. Hoc et alia impedire studuit ratione, et vetando, ne mercaturam agerent, pugnasve navales committerent Spartani (1). Hi autem cum Graecos deinde vexare conantes, navales copias conquirerent, pecuniâque ad eas alendas opus esset, adierunt barbaros, eorum sibi benevolentiam conciliaverunt, copias pecuniamque ab illis contra ipsos Graecos petiverunt (2). Sic igitur morum relaxata quodammôdo severitas fregerat jam religiosam legum observantiam. Nam ceteroquin, quod legibus adversaretur, admittere haud potuissent (3). Porro una cum auro argentoque divitiarum amor, avaritia, *πλεονεξία*, luxus, mollieties, profusio, sensim Spartam occupaverunt (4), pristinamque legum fustulere duritiem. Tum vero omnis civitatis vis frangebatur. Pri-

imum

(1) Plut. in Lacon. Institutis C. 42. p. 959 Tom. 1. parte 2 ed. Wjtt. (2) Demost. Phil. 3 p. 123. Tom. 1. Ed. Reisk. Imprimis Polyb. L. 6. C. 49. (3) Assentimur igitur Plutarcho, qui corruptelae initium ad belli Peloponnesiaci tempora refert in Agide p. 797. C. Conf. idem in Lyc. p. 58 B. (4) Plut. l. l. p. 796 D.

mum enim Graeciae amisit principatum, qui ne
 ad illam rediret, ob ejus perversitatem Graeci
 diligenter cavebant (1). Tum dominandi studio
 gentes vexans, neque ipsa pristinae virtutis tenax,
 gravissimas ad Leuctra et Mantineam clades ac-
 cipiebat (2). Ab ipsis mox Peloponnesi popu-
 lis relictis mirum in modum debilitabatur. In-
 ternis praeterea seditionibus saepius agitata, et
 plurimas perpesa calamitates ad Agidem usque
 abjecta jacuit (3). Hic excellentis ingenii vir
 atque antiquam virtutem habitu, victu, cultu
 referens, cum Lycurgi legibus restituendis ci-
 vitem ab interitu revocare niteretur, irriti pla-
 ne ejus fuere conatus. Nam, quod antiqui-
 tus illarum legum unicum fuerat et firmissimum
 praesidium, quo omnes cives ad earum obser-
 vantiam sponte ducebantur, mores inquam, eam
 labem contraxerant, ut austera quaevis Spartanis
 displiceret disciplina. Hanc igitur tantum non
 omnes, velut dominum e fuga reduces servi,
 timebant et fugiebant (4). Et profecto haec
 erat tristissima Spartaе conditio, ut sponte illic
 tyranni existerent, qui, ut omne antiquae vir-
 tutis vestigium tollebant, sic moenibus urbem
 cin-

(1) Xenophon Rep. Lac. C. 14. §. 6. (2) Egregio
 Spartaе eo aevo conditionem tradit Barthelemy l. 1.
 Tom 2. C. 1. p. 36. (3) Plut. in Agide initio. (4) Plut.
 l. 1. p. 797 F.

cingebant. Unde factum, ut, quae Lycurgi legibus per plurima secula sine muris libera et princeps aliquando Graeciae civitas fuerat, virique potius moderati et sapientis quam urbis speciem retulerat (1), haec igitur muris jam, tanquam compedibus vineta, pessum daretur et ferviret (2). Nam tyrannis subjecta a Romanis, quibuscum amicitiam junxerat (3), dein oppugnabatur, et ad summum discrimen adducta, Romanorum arbitrio omnia permittere cogeatur (4).

Cum igitur eo maxime tempore, quo Lycurgi leges viguerunt, Spartani flourerent, quo autem negligi coeperunt, a pristino continuo vigore remitterent, sequitur inde, a moribus Spartanam pependisse Rempublicam. Videamus jam, num idem de Republica Atheniensi possit affirmari.

§. 4.

Respublica Atheniensis.

Quemadmodum Lycurgum, sic Solonem quoque in legibus ferendis morum bonitati prospexisse vidimus. Cujus viri leges cum lubenter

(1) Plut. in Lyc. p. 58 B. (2) Liv. L. 39. C. 37. Cf. ad h. l. et L. 34. C. 38. Crevierius. (3) Liv. L. 32. C. 39. (4) Liv. L. 34. C. 40.

ter acciperent Athenienses, iisque se regi paterentur, ad morum illi integritatem perveniebant. Hinc itaque factum, ut, perinde atque ipsae leges, sic civitas moribus superstrueretur. Tum autem ad eam sensim haec Respublica dignitatem accessit et vigorem, ut Perfici potissimum belli temporibus stupenda ederet facinora, suamque ei Graecia deberet salutem.

Pauci tunc Athenienses numero, inopes, externis, quae dicuntur, viribus destituti erant. At moribus, id est, virtute leges diligenter observare noverant. Hae igitur cum juberent cives in proelio vel vincere vel mori, nunquam autem ex acie recedere, aut patriam hostibus in servitutem tradere: et praeclare ad Marathonem et Salaminem rem geserunt, et quasvis barbarorum conditiones, ingentem adeo pecuniae vim, repudiarunt. Post pugnam Salaminiam Xerxis iussu litteris Atheniensibus promittebat Mardonius, urbem se restitutum, magnam iis pecuniae copiam, imo Graeciae imperium traditum, si quidem a bello abstinerent. Quod ubi compererant Lacedaemonii, metuentes, ne oraculorum memores et calamitatibus pressi barbaris accederent Athenienses, legatos Athenas mittebant, qui peterent, ut liberos et conjuges Spartam mitterent, senibus autem se cibum daturus affirmarent. Tum vero Athenienses, hostibus se responderunt facile veniam dare, cum divi-

vi-

vitiis, quibus melius praestantiusque nil agnoscerent, omnia venalia putarent; se tamen, quousque Sol eadem via incederet, nunquam cum Xerxe societatem inituros; Lacedaemoniis vero irasci, quod praesentem tantummodo Atheniensium inopiam intuerentur et paupertatem, virtutem vero negligentes, ciborum se copiam ad Graeciam defendendam invitarent; non esse tantam aut super aut sub terra auri vim, quam Graecorum saluti praeponerent Athenienses (1). Quamquam quid viros memoro, cum ipsas feminas lapidibus eos obruisse accepimus, qui Xerxem muneribus Graeciae conciliandum censerent. Quocirca cum haec esset interna hujus Reipublicae vis, mirum profecto non est, in ea celebranda plurimum versatos esse oratores, ac, de ipsorum sententia, tum Graecos universe, tum Athenienses maxime, illa aetate terribiliores fuisse barbaris quam barbaros Graecis (2).

Ad summam igitur illis temporibus integritatem civium pervenerant mores. Intelligitur hoc, cum ex responso, quod Lacedaemonii ab iis tulerunt, ex facinoribus in bello Persico editis, tum imprimis ex eorum justis honestique sensu. Curaverat Solon, ut ne illicita turpive ratione
lo-

(1) Herod. L. 8. C. 143. Plut. in Arist. p. 324.

(2) Demost. Phil. 3. p. 122.

locupletarentur cives. Hoc autem Reipublicae haud magis, quam singulis civibus licere putabant. Cum igitur, iudice Aristide, Themistoclis de Lacedaemoniorum classe clam incendenda consilium expediret quidem civitati, verum honestum non esset, judicarunt illi, cum, quod honestum non esset, ne conducere quidem, esse illud rejiciendum (1).

Hac igitur morum praestantia civitas crevit, illaque omnium maxime viguit aetate, qua integri illi erant. Iidem autem quam primum labem contrahere et Solonis adeo leges negligi coeperunt, a pristino sensim civitas vigore decidebat, ut internis mox debilitata seditionibus, in bello hostibus impar esset, suamque tandem *αὐτονομίαν* amitteret.

Novimus profecto, quantopere post bellum Persicum mari invalescerent Athenienses. Maritimis illis ad Artemisium et Salamina elati victoriis, cum rei nauticae tum mercaturae operam navare instituebant, tantamque mox nanciscebantur auctoritatem, ut maris penes eos esset principatus. Tum autem maximam mores mutationem et corruptelam subierunt. Nam, ut Ciceronis verbis utar, „his rebus intentae civitates admiscuntur non tantum novis sermonibus ac disciplinis, nec importantur so-
lum

(1) Plut. in Arist. p. 332. Cicero de Off. L. 3. C. 11.

lum merces adventitiae, sed etiam mores, ut nihil posset in patriis institutis manere integrum (1).” Hanc communem maritimarum civitatum labem perpesa est Respublica Atheniensis. Mercaturae studio divitiarum lucrique cupido omnium animos adeo allicuit et tenuit, ut, misis liberalioribus studiis, bellicisque exercitationibus, totos se quaestui darent, nec praeter lucrum quidquam spectarent (2). Tum igitur una cum opibus luxuries, avaritia aliaque vitia obtinuerunt, quoque major divitiis, eo minor virtuti haberi coepit honos. Avitam autem integritatem haud profecto restituere conatus est Pericles, sed, utut Athenas aedificiorum, statuarum, picturarum artiumque universe ornavit magnificentia, urbemque theatrum reddidit, in quod philosophi, oratores, artifices omnes confluerent, morum tamen corruptelam magnopere aluit. Nam, ut alia mittam plurima, cum eos frustra petiisset magistratus, e quibus Areopagitici creari solebant Senatores (3), aegre repulsam ferens una cum Ephialte oratore hoc op-

pres.

(1) De Republ. L. 2. C. 4. Qui locus egregie in Athenienses quadrat (2) V. de Geer l. 1. p. 43. (3) Archontes muneribus suis perfuncti, rerum gestarum rationibus redditis, in Areopagum legebantur. Plut. in Solone p. 88 D. in Pericle p. 157 A. Cf. Potter l. 1. p. 89.

presit consilium, et pleraque ei ademit judicia (1). Tum vero firmissimo legum praesidio penitus sublato, deterior longe civitatis fiebat conditio; ac veluti teterrimi morbi contagio, nisi prudenter antevertatur et intra fines coerceatur, serpit in dies, ad plures sensim accedit, valentes etiam afficit, omnesque mox tenet et obruit, sic etiam, debilitato Areopago, morum, quae in civitate jam aderat, propagata est corruptela, et ita omnes infecit, ut antiquae vix virtutis remaneret vestigium.

Dici autem vix potest, quantam haec morum labes in res civiles vim habuerit. Democraticam regiminis formam induxerat Solon (2), verum, ut ne in licentiam illa abiret, aristocraticam temperaverat ratione (3). Primum enim Areopagus, cui morum curam commiserat, civium licentiam reprimebat. Tum vero Senatuum Quadringentorum de omnibus rebus ante cognoscere iussit, quam populus de illis deliberaret; nec, nisi quas suffragiis suis Senatus probasset, in populi concione agitari voluit (4).

Prae-

(1) Plut. in Per. p. 155 E et p. 157 A. (2). Cernitur haec democratica forma in eo, quod omnes omnino cives in concione et judiciis adesse iusserat, ut tum suffragiis de gravissimis rebus statuerent, tum etiam magnam controversiarum partem dijudicarent. Plut. in Sol. p. 88. A. (3) Arist. de Rep. L. 2. C. 12. T. 3. p. 448. (4) Plut. in Sol. p. 88 D.

Praeterea magistratus divitibus tantum concessit; ab iisque, cum secundum facultates in quatuor classes populum divisisset, omnes eos exclusit, qui ad ultimam classem pertinerent (1). Sic igitur e Solonis instituto mixta potius, quam pure democratica Athenis erat regiminis forma (2). Cum autem dein, auctore maxime Aristide, cuivis e populo aditus ad magistratus pateret (3), et ita magnum ejus auctoritas caperet incrementum, prudenter illa a Solone instituta sublata est ordinum aequalitas. Postea vero, Areopago fracto, pro morum perversitate suam ipse magis quam civitatis auctoritatem respiciens populus, et optimatum potestatem pertaesus, id maxime agebat, ut summam rerum ad se transferret. Tum autem in immoderata populi potestate ad summam res pervenerunt licentiam, quae a pluribus, oratoribus potissimum, celebrata, veram civium aequalitatem et optimam Reipublicae formam referre visa, internis civitatem agitavit discordiis, eamque mirum in modum debilitavit (4). Hinc fiebat, ut ii aegerrime ferrentur et morte subinde plecterentur, qui morum pravitati resistere, malorumque radices

evel-

(1) Plut. 1. 1. p. 82 A. (2) Cf. Arist. M.
 (3) Plut. In vita p. 332 C. (4) De Geor. 1. 1.
 p. 46. seq.

evellere conati, ad pristinam cives conditionem ducere cupiebant. Quandoquidem vero non tantum in se ipsos saeviebant Athenienses, sed et pro superbia in alias gentes, socias imprimis, crudeliter dominabantur, bellum deinceps existit Peloponnesiacum, in quo, quid morum efficeret corruptela, luculenter patuit. Captis enim a Lacedaemoniis Athenis, triginta tyranni in eorum civium posteros saeviebant, qui nec Pisistratum, optimum quidem virum (1), sed tyrannum tamen, ferre potuerant; et vero Hipparchi interfectores, patriae vindices, perpetuis laudibus celebraverant, Harmodium et Aristogitonem.

Deinceps vero Athenae a Thrasylulo libertae civilibus discordiis magis magisque agitantur. Verum operae pretium est civium in hac rerum anarchia cognoscere mores.

Isocrates, nobilissimus ille Demosthenis praeceptor (2), his proximis temporibus in Senatu Areopagitico egregia Atheniensibus suadet oratione, ut, immoderatam populi sublatam libertate, temperant illam, a Solone inductam, restituant Democratiam. Multus est in laeta civitatis, dum haec regiminis forma vigeret, adumbranda

(1) Plut. in Sol. p. 95. A. (2) V. ejus vita in Edit. Ifoe. Battiana p. 3.

da conditione. Civium autem virtutem effecisse demonstrat, ut et populo illa placeret et civitati conveniret. Ad sui vero aevi homines corruptamque regiminis formam accedens, civium attendit mores; et cum pristini rerum vigoris, praesentis vero lapsus causam in gravissima morum ponit discrepantia, palmariam eorum instituit comparisonem. Illis, inquit, temporibus non in aleatoriis juvenes tempus terebant, neque apud tibicinas, nec in ejusmodi coetibus, in quibus nunc totos dies transigunt, verum iis impendebant studiis, quibus destinabantur, suspicientes eos et colentes, penes quos suorum principatus erat studiorum. Ita autem forum evitabant, ut, si forte illud transire cogerentur, cum evidenti pudoris et modestiae hoc facerent significatione. Senioribus obloqui aut conviciari pejus putabant, quam nunc in parentes peccare. In cauponis vero ne frugi quidem servus edere aut bibere sustinisset. Gravitationem prae se ferre, non scurram agere cupiebant, et lepidos, ac cavillatores, quos nunc facetos dicunt, infelices illi censabant (1). Totus autem populus laborabat, et parce vi-

To-

(1) l. l. p. 335. Neque tantum Isocrates cum hoc, tum aliis locis, sed et alii plurimi in hujus aevi corruptelam invecti sunt. Unius Theopompi memorasse sufficiat verba. Αὐτοὶ (Ἀθηναῖοι) τοῦτον τὸν τρόπον ἔζων, ὥστε τοὺς μὲν νέους ἐν τοῖς αὐλητριδίοις καὶ παρὰ ταῖς ἑταιρίαις

vebat nec res domesticas negligens, nec alienarum appetens, nec e publicis bona sua augens, sed ex suis quisque facultatibus, ubi opus esset, in commune conferens. A civitatis autem prae lucris studio administratione tam religiose abstinebant, ut difficilius reperirentur, qui (lucris cupiditate ducti) imperare vellent, quam nunc, qui magistratum recusent et fugiant (1). Non enim rerum administrationum mercaturam, sed munus existimabant. (2).

Hac igitur morum praestantiâ civitatem crevisse ostendit, exque eorum labe Reipublicae lapsum ducit, qui eo mox procescit, ut facillime Athenienses in Alexandri Regumque Macedonum redigerentur potestatem. Etenim, quae antea a Per-

sa-

οις διατρίβειν· τοὺς δὲ μικρὸν ἐκείνων πρεσβυτέρους ἐν τε τοῖς κύβοις καὶ ταῖς τοιαύταις ἀσωταῖς· τὸν δὲ δῆμον ἅπαντα πλείω καταναλίσκειν εἰς τὰς κινὰς ἐτιχθεῖς καὶ κρεανομίας, ἥπερ εἰς τὴν τῆς πόλεως διοίκησιν· apud Athenaeum Deipn. L. 12. p. 263. Alios hac de re veterum locos congregit Doct. Bergman in *Isoc. Areopag.*; ex cujus ad nostrum Isocratis locum commentario egregie Atheniensium hoc aevum percipitur corruptela p. 141 sqq. (1) Cf. omnino Wolf. ad h. l. p. 323. et Bergman l. l. p. 111. (2) p. 322 seq. Loci sensus est, non enim putabant, se in gerenda Republica id sibi debere propositum habere, ut ex ea, tamquam ex mercatura, lucrum facerent, sed hoc potius, ut Reipublicae opera sua et pecuniâ prodesse; ut ait Bergman l. l. p. 111.

farum iugo eos tuita erat non tam in bello fortitudo, quam ipsa civium virtus morumque excellentia, hujus his temporibus ne vestigium quidem supererat.

Uti igitur Spartana, sic Atheniensis Respublica, integris civium moribus floruit, lapsis vero, continuo fracta tandem plane corruit, Quamobrem Lycurgus et Solon diligenti illa morum cura firmissimum civitatum fulcrum posuerunt, cui, si innisae illae constanter essent, haud facile interiturae fuisse videntur,

S. 5.

Respublica Romana.

Romani, de luculentissimo veterum, Sallustii imprimis, testimonio, summa se antiquitus vitae morumque commendabant integritate, Jus atque bonum apud eos non legibus magis, quam naturâ valebat, Jurgia, discordias, simultates cum hostibus exercebant, cives cum civibus de virtute certabant. Duabus his artibus, audaciâ in bello, ubi pax evenerat, aequitate seque remque publicam curabant (1). Laudis avidi, pecuniae liberales erant, gloriam ingentem, divi-

(1) Sall. B. C. C. 2.

vicias honestas volebant (1). In Deorum cultu magnifici, domi parci erant. Quin paupertatis ac parsimoniae tantus erat honos, ut principes in civitate viri ob summam vitae simplicitatem celebrarentur. Quintum Cincinnatum, Manium Curium, alios, summis perfunctos muneribus, ab agris colendis ad rerum administrationem avocatos fuisse novimus.

Haec morum bonitas juventutis stabiliebatur educatione. Etēnim spectabat ea potissimum, ut laboris illi ac belli patientes redderentur, magis in decoris armis et militaribus equis, quam in scortis atque convivis lubidinem haberent; ut ita adultis illis non labor foret insolitus, non locus asper aut arduus, non armatus hostis formidolosus, sed morum honestate patriam prae omnibus et diligerent et ornarent (2). Idcirco non emtae nutrice, sed propinqua majori natu, cujus spectati erant mores, totius familiae soboles committebatur. Haec pueris semper praefens diligentissime curabat, ut ne illicita turpia facta addiscerent, et sanctitate quadam ac verecundiā iis prospiciebat (3). Aetate magis provec̃ti laboribus corpus firmabant, et, ut patriae in illis aleretur amor, patres ubivis commitabantur, in foro, ruri, in comitiis, in cu-
fla

(1) Idem C. 7. (2) Idem l. 1. (3) Dial. de Orat. C. 28.

ria (1). Quorum sic gravissimis et sapientissimis de Romanae civitatis commodis praesentes consultationibus, patriam omnium maxime diligere discebant. Cum autem exemplis summam ad virtutem Romani vim tribuerent, more apud eos fuit receptum, ut illustres viri post mortem, ubi funus efferretur, in foro publice laudarentur, eorumque imagines viris, qui toto habitu defunctum optime referrent, imponerentur; quo spectaculo, Polybio iudice, verae laudis et virtutis cupidus juvenis nullum pulcrius intueri poterat (2). Huc autem omnium maxime faciebant illustrium proavorum in atriis collocatae imagines, quibus ad virtutem juvenibus vehementissime animus accendebatur. Scilicet non cera illa, neque figura tantam vim in eos habebat, sed memoriâ rerum gestarum ea flamma egregiis viris in pectore crescebat, neque prius sedabatur, quam virtus eorum famam atque gloriam adaequaverat (3).

Haec igitur eo egregie valebant, ut boni aliquando illi cives fierent. Verum, ut iidem ingenio non tantum et animi virtutibus, sed et corporis viribus patriae prospicerent, cum mature venationis (4), tum dein potissimum difficillimis belli exercitationibus exercebantur (5),

mi-

(1) Gellius N. A. L. I. C. 23. (2) L. 6. C. 53.
 (3) Sall. B. Jug. C. 4. (4) Doct. Van den Velden in
Disf. de puerorum apud Romanos variis temporibus edu-
catione et institutione p. 57. (5) Idem l. l. p. 59.

militiaeque gravissimis sensim asuescebant laboribus (1); cujus quo majorem usum contraherent, principes saepe viros in bellum comitabantur. Sic igitur ingenti patriae amore imbuti, aerumnarum patientes, negotiorum periti gerendorum, hostem in bello ferire, murum conscendere, conspici, dum tale facinus facerent, adpetebant. Has divitias, hanc bonam famam, magnam nobilitatem putare discebant (2).

Neque tantum ad patriae amorem, gloriae cupidinem, sed et ad recti bonique studium in juvenibus alendum haec omnia erant comparata. Laudationes illae illustrium defunctorum, praestantium imagines proavorum ad omnium eos excitabant virtutum imitationem, quibus hi viri conspicui fuerant. Et cum primum, ineunte aetate, majores natu propinquae, mox patres omnem vitiorum diligentissime ab iis arcerent labem, nec eos e pueris egresfos curare et ad frugalitatem (3) abstinentiam (4), justitiae, religionis, senectutis reverentiam, morum omnino honestatem ducere desinerent (5), majorum non potuerunt non adulti referre et tueri virtutes.

Et haec quidem de puerorum apud Romanos edu-

(1) Van den Velden l. l. p. 61. (2) Sall. B. C. C. 7.
(3) Unde Horatius Sat. L. 2. S. 2. v. 92.

. *Hos utinam inter*

Heroes natum tellus me prima tulisset.

(4) Valerius M. L. 4. C. 3. Ex. 14. (5) Van den Velden l. l. p. 58.

educatione obiter dixisse sufficiat (1). Quo magis autem morum in Republica Romana percipiatur praestantia, operae pretium est paucis monere de rei domesticae his temporibus conditione. Magna, Sallustio teste, Romanorum domi erat parsimonia. Non luxui aut voluptati, sed utilitati tantum, agris maxime colendis, eorum inserviebant servi. Uxores ipsae vestes nebant, lanam ancillis appendebant, panem pinsebant, rem omnino familiarem curabant. Supellex tenuis, vestes non sumtuosae erant, auri usus modicus et quantus corpori ornando sufficeret. Mulieres porro non in gynaeceis, Graecarum instar, sed in hominum luce degentes, maritos in atrio cum aliis de gravissimis civitatis rebus sermocinantes audiebant; quibus licet se haud immiscerent disputationibus, vel sic tamen eae magnam tum ad rerum civilium peritiam augendam, tum ad patriae amorem alendum, tum etiam ad ingenium acuendum, in eas vim habere debebant. Hinc summa illa reverentia, cum concordia et diligentia mixta. Hinc flagrabat mulier pulcerrimâ diligentiae aemulatione, studens negotia viri curâ suâ majora atque meliora reddere. Nihil conspiciebatur in domo dividuum, nihil quod aut maritus, aut foemina proprium esse juris sui

di-

(1) Qui plenam de toto hoc argumento sibi comparare velit notitiam, laudatam adeat Doct. Veldeni dissertationem.

diceret, sed in commune conspirabatur ab utroque, ut cum forensibus negotiis matronalis sedulitas industriae rationem parem faceret (1). Licet autem victoriis, quas de vicinis gentibus reportabant Romani, lautior in dies eorum res fieret, tantum tamen aberat, ut domesticae haec vitae noceret, ut pristinam potius severitatem temperaret, mediumque inter illam et subsecutam corruptelam feriret. Quocirca cum his temporibus, quae proxime finem belli Punici secundi antecesserunt, modicus esset luxus, insignis conjugum concordia, laboris assiduitas, morum omnino integritas, praestantissima haec et erat et habebatur aetas.

Sic igitur significavimus morum in Republica Romana praestantiam. Tradidimus etiam, quot quantaque ad eos tuendos cum privatim tum publice adhiberentur. Sed, quo plenius pateat, non privatos tantum, aut aliquam civium partem, sed totum populum, ipsam fere civitatem, morum prospexisse bonitati; ipsa jam, quae huc facient, magistratuum attendamus munera. Et primum quidem Censura, quae, Servio Tullio auctore, civium unice censum, id est, numerum facultatesque cognoscendas spectaverat, haec, liberâ Republicâ, ad morum potissimum referebatur curam, Censurum.

(1) Verba Columellae de Re Rust. in praef. Lib. 12.

rumque erat, cavere, ut ne a pristina virtute ullo modo recederent cives (1). Neque tamen hinc Romanorum substitit opera. Sed anxii velut et metuentes, ne unius, quamvis diligentissimi magistratus, difficillimo muneri impar esset studium, ejus partem, luxus nimirum coercendi, popinarum ganciarumque inhibendarum, meretricum, nisi nomen profesarum et togam sumentium, ex urbe expellendarum, factorum denique dictorumque turpium puniendorum curam insuper Aedilibus injunxerunt.

: Prouti autem his magistratibus morum regimen mandarunt Romani, sic ipsi omnium maxime caverunt, ut ne pravi cives munera obirent. Censoribus Senatus lectione et morum inquisitione omne ex eo probrum arcendum dederunt. Verum, cum hi nec magistratus creare, nec creatos munere privare possent, et tamen e re publica esset, optimis tantum civibus rerum committi administrationem, voluerunt, ut, qui magistratum peterent, ante Comitiorum diem nomina profiterentur: ut ita in eorum inquireretur mores, et exploraretur, num digni essent, quibus aliqua Reipublicae pars administranda committere-

(1) Eleganter profecto Montesq. Gr. et Déc. des Romains C. 8. p. 65. A Rome, — tout ce qui pouvoit — empêcher la perpétuité du cœur ou de l'esprit du citoyen étoit réformé par les Censeurs.

teretur. Quod si amplissimis honoribus indigni habiti essent, nec recipiebantur a magistratibus, nec, etiamsi maxime vellet, creare eos populus poterat. Ex his jam omnibus patet, populum Romanum optima hac aetate id praecipuum habuisse, ut morum, qua se commendabat, tueretur, firmaret, et velut perpetuaret excellentiam. Huic autem quae quantaque debuerint, age jam accuratius investigemus.

Constat profecto a morum conditione antiquitus plerumque patriae pependisse amorem. Pro eâ quaevis Lacedaemonii et Athenienses, integris moribus, subierunt, sed, quamprimum illi labem contraxerant, suam potius cives, quam civitatis attenderunt salutem. Pariter Romani in hac morum praestantia eo patriam complexi sunt amore, ut unice illam cogitarent, et privatis commodis ejus longe anteponerent salutem.

Neque enim duces tantum et principes, veluti Brutus, Scaevola, Cocles, Fabricius, Regulus, Scipiones, ea perpetrarunt facinora, quae cum suo ipsorum detrimento, certissimâ subinde morte, patriae profutura putabant; sed gentes et exercitus saepe, patriae amore flagrantibus, in ea alacres proficiscebantur loca, unde redituros se numquam arbitrabantur (1). In militibus au-
tem

(1) Cic. Tusc. Quaest. L. 1. C. 42. Est autem rei exemplum in Fabii trecentis Liv. L. 2. C. 48.

tem ea erat constantiae, et fortitudinis excellentia, quae non nisi in patriae amantissimis reperiatur civibus: et quamquam gravissimas nonnunquam accipiebant clades, ipsae tamen illae, quo essent ignominiae dolore, qua aerumnarum patientia, qua virtute in bello, atque morum omnino excellentia, luculenter declarabant. Sic, ut hoc utar, cum Romanus exercitus ad Furcas Caudinas insidiis a Samnitibus circumventus sub jugum mitteretur, omni morte militibus haec adeo tristior erat ignominia (1), ut Romanam tendentes nec oculos attollerent, et praemoerore omnium colloquia effugerent. Hinc focii, Romanae indolis ignari, una cum armis animos ablatos, nec Samnites urbem cepisse putabant, sicut ante Galli, sed Romanam virtutem et ferociam. Ast vero id, quod erat, suspicabatur Ofilius Calavius. Silentium illud obstinatum, fixos in terram oculos, surdas ad omnia solatia aures, pudorem intuendae lucis, ingentem molem irarum ex alto animi cientis indicia habebat. Aut se Romana ingenia ignorare ajebat, aut silentium illud Samnitibus flebiles brevi clamores gemitusque excitaturum, Caudinaeque pacis aliquanto Samnitibus, quam Romanis, tristiores fore memoriam, quippe suos quemque coram animos habiturum, ubicumque congressuri sint,

(1) Liv. L. 9. C. 6.

sint, saltus Caudinos non ubique Samnitibus fore (1). Hanc viri opinionem egregie confirmavit eventus. Nam, cum et Romani majorem ex ignominiosa pace, quam ex nunciata clade percepissent dolorem, et, qui eam subierant, milites vehementer bellum renovare cuperent, huic omnium voluntati haud ante obtemperandam censebat Publilius Consul, quam, concione advocata, exercitum allocutus esset. Verum, teste Livio, prae clamore poscentium pugnam nulla adhortatio Imperatoris audiebatur. Suus cuique animus memor ignominiae adhortator aderat. Vadebant igitur in proelium urgentes signiferos: et, ne mora in concursu pilis emittendis, stringendisque inde gladiis esset, pila, velut dato ad id signo, abiciebant, stricisque gladiis cursu in hostem ferebantur. Nihil illic imperatoriae artis, ordinibus aut subsidiis locandis fuit: omnia ira militaris prope vesano impetu egit (2). Hac igitur per totum bellum exulceratos ignominia animos stimulantem (3), tam strenue adversus Samnites rem gesserunt, ut, nullos non exantlantes labores, certissimam victoriam reportarent; nec ante a vindictae dulcedine desisterent, quam eandem jugi ignominiam paterentur hostes, quorum demum

hor-

(1) Liv. verba l. I.

(1) L. 9. C. 13.

(2) C. 14.

horrenda strage et gravi dolore Româ se iterum dignos cives habebant.

Verumtamen in adumbrandâ morum ad patriae amorem civitatisque salutem efficacîâ, nequaquam silentio mittendae sunt feminae. Hae enim morum excellentiâ viris haud cedentes, pariter suis commodis Reipublicae causam anteponebant. Cujus equidem rei haud luculentius esse putem documentum, quam quod in summo rerum discrimine et Gallici et Punici belli tempore, aurum, argentum, omniaque ornamenta voluntariâ collatione in aerarium derulerunt (1). Sed quid milites, feminas, aut aliquam civium partem cito, cum apud omnes omnino civitatis ordines ad patriae amorem hanc morum integritatem valuisse novimus? Gravissimae Patricios inter et Plebejos agitabantur contentiones. Amplissima soli munera obire, connubia a Plebe separata habere, omni in eam ratione dominari conabantur Optimates. Adversus quos quum Plebis semper causam agerent Tribuni, nec facile illi auctoritatem dignitatemve imminui paterentur, ita dissociabantur ordines, et odio in se invicem proruebant, ut duabus veluti inimicissimis sibi gentibus urbem Romam constitisse diceres. Et vel sic tamen, quamprimum hostes adventare nunciabantur, vel Patricii, ut ne patriam

(1) Liv. L. 5. C. 25.

triam defendere recusarent Plebeji, faciliores se praebebant; vel Plebs, suam interea conditionem negligens, militum se delectui inscribi haud repugnabat; et omnes in pacis tempus rixas differentes, patriae unice discrimen cogitabant. Sic igitur hoc Romanis erat insitum prorsus, ut, quanta privata esset calamitas, eam tamen haud cum patriae effugerent incommodo.

Ex his jam omnibus praeclaram morum ad civitatis vigorem ducimus efficaciam. Nam, cum, integerrimis illis, tam militiae quam domi unam omnes cogitarent, colerent, venerarentur patriam, nec operae pretium quidquam illâ indignum vel admitterent, vel admisum negligerent, non poterat non et victoriis propagari et vero civium virtute stabiliri res Romana. Hinc igitur factum, ut corporis animique viribus quibusvis nisi praestarent, at pares certe essent hostibus, et numero saepe pauciores, in summas angustias adducti, a praesenti propemodum excidio adversus Gallos, Samnites, alias Italiae gentes egregie civitatem tuerentur. Hinc unice eum in modum creverunt, ut, licet ad Ticinum, Trebiam, Thrasymenum, Cannas una cum praestantissimis ducibus aliquot milleni periissent, omnesque fere ad Hannibalem descivissent socii (1), vel sic tamen Carthaginienfes, si continuo Ro-

mam

(1) Liv. L. 22. C. 61.

miam tetendissent, haud urbem capturi fuisse videantur. Post tot enim clades et defectiones sociorum nulla timoris significatio, nulla pacis mentio fiebat, sed adeo majori civitas, quam unquam in rebus secundis, erat animo, ut Terentio Varroni ex Cannensi strage, cujus ipse praecipuus auctor fuerat, reduci, obviam irent omnes ordines, et gratias agerent, quod de Republica non desperasset (1). Quid quod in summa militum inopia octo hominum millia, quos Poenus in castris ceperat, redimendos haud censuerunt, cum parvâ id fieri posset pecuniâ (2). Tam excelso in rebus afflictis animo ipse Hannibal fractus fuisse fertur (3).

Sic igitur morum integritate ad summam Respublica Romana pervenit auctoritatem; et, quoniam eorum corruptela diligenter impediabatur, diutissime illa et stetit et vixit. Superest jam, ut ejus post corruptos mores adumbremus lapsum.

Devictae hactenus gentes cum haud magnas in civitatem attulissent divitias, in laeta quidem, nec opulenta tamen re Romani versati fuerant. Postea vero, debellatis Carthaginensibus, ditissimos et adorti sunt et sibi subjecerunt Graeciae Asiaeque populos, unde dici vix potest, quanto pere mores sint corrupti; quorum integritatem li-

cer

(1) Liv. l. 22. C. 61. Cic. de off. L. 3. C. 11.

(2) Liv. L. 22. C. 58. (3) Cic. de off. L. 3. C. 31.

et magnae semper labefactare soleant opes , hæc tamen in Romana civitate ad corruptelam erat accessio , quod non pederentim illae et gradu , sed subito atque praecipiti cursu comparabantur .

Nobilissimae de Philippo , Antiocho , Aetolis , Gallograecis reportatae victoriae (1) sedecim annorum spatio a lautâ civitatem conditione ad summam opulentiam duxerant . Accedebat porro , quod , Carthagine imperii aemulâ fractâ , hostiumque metu imminuto , intentioni curâ in opibus et acquirendis et augendis plerique versabantur , ac denique , quod maximum , una cum divitiis peregrini , ad luxuriam , ignaviam , mollitiem compositi importabantur mores . Hinc non poterant non celeriter a virtute desciscere Romani . Itaque cum opibus luxuria invaluit , avaritia , ignavia , Deorum , morumque patriorum contemptus , omninoque

*Non auro , tectisque modus : mensasque priores
Aspernata fames : cultus gestare decoros
Vix nuribus , rapuere mares : fecunda virorum
Paupertas fugitur ; totoque arcesitur orbe
Quo gens quaeque perit (2).*

Quo plura vero corruptelae aliunde afferebantur invitamenta , eo majores vitia vires capiebant .
Man-

(1) Liv. L. 33. C. 9. sqq. L. 37. C. 43. L. 38. C. 8. et C. 27.

(2) Luc. Phars. L. 1. v. 160. sqq.

Manlii de Gallograecis victoris milites lectos aeratos, vestem stragulam pretiosam, plagulas et alia textilia, et, quae tum magnificae suppellectilis habebantur, monopodia et abacos Romam advehebant; tum psalteriae, sambucistriacque et convivalia ludionum oblectamenta addebantur epulis: epulae quoque ipsae et curâ et sumtu majori apparabantur: tum coquus, vilissimum antiquis mancipium, et aestimatione et usu in pretio erat, et, quod ministerium fuerat, ars haberi coepta (1). His omnibus ita civium mentes inficiebantur, ut et Senatus in coercendâ corruptelâ irritam poneret operam (2), et vero Bacchanalia, teterrimorum officina flagitiorum, invalescerent; e quibus cum luculenter appareat, quae morum ad ipsa probanda esse deberet pravitas, haud plane illa silentio mittenda videntur. Haec igitur sacra, ex Etruria Romam perducta, initio tantum ad feminas pertinebant, nec quidquam flagitiosi continebant, mox vero, permixtis cum mulieribus viris, nocturnoque ex diurno reddito sacro, ad nullas non referebantur libidines. Virorum inter se et cum mulieribus stupra fiebant, viginti annis minores initiabantur, quo facilius capterentur, aliorumque inservirent voluptatibus, misce-

(1) Liv. L. 39. C. 6. (2) Huc pertinent leges sumptuariae, Orchia imprimis, quam perlatam vixdum violari queritur Cato apud Macrobius Saturn. L. 3. C. 17.

cebantur cum tenellae admodum aetatis puellis majores, nulla omnino pudoris aut reverentiae erat significatio (1). Hujus nefandae libidinis milleni aliquot homines, mulieres imprimis, et iis simillimi viri participes erant, ac, nisi Hispulae Fecundiae in Aebutium amore, excellentique Postumii Consulis innotuisset operâ, totam, contagionis instar, pervasisset Italiam. Sed de ea erit infra dicendi locus.

Hanc morum corruptelam mox promovit de Perseo reportata victoria, qua tanta pecuniae vis Romam translata fuisse fertur, ut per centum et, quot excurrit, annos ab omni tributo cives liberarentur (2). Tum autem adeo, quorum semina jam aderant, creverunt vitia, ut pauciora in dies antiquae virtutis reperirentur exempla. Graecum unice, patrio contempto, cupiebant ornatum, delicatos majori pretio, quam necessarios emebant servos, pravisque eorum moribus se imbui patiebantur. Milites, pristina continentia et frugalitate misis, novis in Graecia libenter indulgebant voluptatibus. Imo vero tanta omnibus inerat libido et mollities, ut juvenes nonnunquam pro pudicitia et libertate exquisitissimos cibos compararent, populus vero de gravissimis rebus suffragia ebrius ferret (3). In hoc

au-

(1) Liv. L. 39. C. 8. (2) Cic. de off. L. 2. C. 22.

(3) Macrob. 1 l. L. 3 C. 16.

autem morum lapsu ne defuisse existimemus, quae vitiorum contagionem antevertere conarentur. Aderant Censores, ferebantur leges sumptuariae, pristinae nonnulli virtutis exhibebant exempla. Veruntamen et sic inveteraverat atque per omnes omnino civium ordines manaverat malum, et tanta quotidie novis divitiis peregrinisque moribus capiebat incrementa, ut nec principum virorum exempla, nec Senatus cura, nec Censorum severitas radicitus illud evellere valeret (1), sed potius religiosissimam eorum operam nova subruerent invitamenta vitiorum. Quo innumera imprimis referas omnis luxuriae genera e Carthagine et Corintho dirutis Romam allata, molles et delicatos servulos undecumque in imperium Romanum prouentes, suâque illud pravitate inficientes, Attali denique hereditatem et L. Sullae victorias; quibus omnibus factum, ut, quae supererant avitae probitatis exempla, ludibrio haberentur et tantum non contemnerentur. Tum paupertas probro haberi, innocentia pro malivolentiâ duci coepit, privati domos atque villas urbium in modum exaedificare, subvertere montes, maria confternere; libido stupri, ganeae, ceterique cultûs omnes invadere; viros pati muliebria, mulieres pudicitiam in propatulo habere, vescendi cau-

sâ

(1) Plut. in Cat. Maj. p. 346.

fa terrâ marique omnia exquirere (1); dormire prius, quam somni cupido esset; non famem aut sitim, neque frigus, neque lassitudinem opperiri, sed ea omnia luxu antecapere (2). Disciplina militaris imminuta magnopere bello Macedonico, sed a Scipione in Hispania revocata (3), sub Sulla evanuit plane. Hic unice curans, ut militum sibi animos conciliaret, turpibus eorum, nec militari severitate dignis indulserat lubidinibus. Locis amoenis, voluptariis in otio ferocem militum indolem mollierat. Amare, potare, signa, tabulas pictas, vasa celata mirari didicerat; ea privatim ac publice rapere, delubra spoliare, sacra profanaque omnia polluere (4).

In hac autem ad quaevis vitia proclivitate haud profecto quisquam miretur, rem Romanorum domesticam teterrimam aevi contraxisse maculam. Mulieres jam ante Sullae tempora corpori ornando, quam rei familiari intentiores, ita nunc totae luxui indulgere coeperant, ut et rei domesticae curam ac liberorum educationem vilissimis servis relinquerent, et vero id antiquissimum haberent, ut, quibus genio indulgerent, undecumque sibi

(1) Quorum luculenta exempla apud Meinersium habentur *Hist. de la Décadence des mœurs chez les Romains* C. 14. sqq. p. 291. (2) Sall. B. C. C. 12. seq.

(3) Val. Max. L. 2. C. 7. Ex. 1. (4) Sall. B. C. C. 11.

sibi pecunias corraderent. Ex istiusmodi igitur luxuriâ et avaritiâ exstiterunt impudicitia, grande aes alienum, flagitiorum cupido, muliebrium omnino officiorum negligentia et despicientia. Quibus vitiis quum pinguisima consumerentur patrimonia, aegerrime viri, nec nisi legibus et ingentibus immunitatibus plecti, nuptias inire solebant.

Ex hac autem rei domesticæ corruptela fieri non poterat, quin gravissimum puerorum educatio caperet detrimentum. Haud subito illa, sed per plurimas jam aetates una cum moribus a pristina remittens excellentia facillime aevi labem contrahebat. Parentes itaque infantem Gracculae alicui ancillae delegabant, cui unum aut alterum adjugebant ex omnibus servis plerumque vilissimum, nec cuiquam serio ministerio accommodatum. Horum fabulis et erroribus teneri et rudes animi imbuebantur, nec quisquam in tota domo pensi habebat, quid coram infante diceret aut faceret. Ipsi etiam parentes nec probitati, neque modestiae parvulos adfuefaciebant, sed lasciviae et libertati, per quas paulatim impudentia irrepebat et sui alienique contemptus (1). Quo vero magis adolesecebant, eo plura affluebant vitiorum genera. Histriionum favore, gladiatorum equorumque studiis animi occupabantur, nec aliquid bonis artibus loci relinquebatur (2). Ipsi quo-

(1) Dial. de Or. C. 29. (2) Idem l. l.

quoque paedagogi libertatis spe inducti, turpia adolescentum dicta factaque probabant, eorumque foedisimis saepe et libidinibus favebant et amoribus, quibus omnibus tantam indolis contrahebant pravitatem, ut, parentum instar, majorum mature ludibrio haberent et contemnerent virtutes, suis autem opibus et generis nobilitate unice gloriarentur. Etenim haud amplius ad claros se conferebant et sapientes viros, a quorum latere non discedentes opinionem afferrent populo, eorum se fore similes, quos sibi ipsi ad imitandum delegissent (1), sed familiae vetustate ad summos se in Republicâ honores perventuros putabant (2). Sic igitur in utero pene matris vitia concipientes pueri (3), in aliorum mox, parentum maxime, foeda intuentes exempla, errorumque varietate et opinionum perversitate inferti atque obruti, communem sponte referebant corruptelam; luxuriae, molitici, ignaviae dediti, laboribus erant impares et tantos sumtus faciebant, ut ad res familiares consumendas eos genitos fuisse diceret (4). Hinc in grande aes alienum incidentes, rapere, consumere, aliena cupere: pudorem,

(1) Cic. de off. L. 2. C. 13. (2) Sall. B. J. C. 85.

(3) Dial. de Or. C. 29. (4) Sall. in fragm. apud August. de Civ. Dei L. 2 C. 18.

rem, pudicitiam, divina atque humana promiscua, nihil pensi neque moderati habere (1).

Hac itaque educationis pravitate factum, ut parentum vitia propagarent, et stabilirent liberi; ac, quandoquidem adulti illi nullo modo ferre poterant, quod suis voluptatibus adversaretur, institutum, eo Ciceronis aetate res processit, ut Censuram arctissimis limitibus circumscriberetur potestas. Tum autem virtutum civilium, quibus suam Romani gloriam debuerant, plane interierunt reliquiae. Pro pudore, pro abstinentia, pro virtute, audacia, largitio, avaritia unice vigeant (2).

Et sic quidem morum in Republica Romana post bellum Punicum secundum ad Augusti tempora adumbravimus conditionem. Ulterius argumentum ideo haud persequimur, quoniam Rempublicam proprie sic dictam et a nobis in hac disquisitione unice significatam sub Imperatoribus Romani non habuerunt. Quocirca continuo explicetur vis et efficacia, quam in res civiles morum lapsus habuit.

Haec maxime in antiquis civitatibus corruptelae ratio fuit et progressus, ut primum ad solos principes pertineret, mox latius serpens, per plures civium ordines manaret, omnesque sensim inficeret atque enervaret. Et quandoquidem

(5) Sall. B. C. C. 12. (2) Idem l. l. C. 3.

istiusmodi corrupti cives explorare nitebantur libidines, quibus non nisi ingenti pecuniae vi satisfieri poterat, earumque parandarum unice prae divitiis opportunitatem habebant optimates, id est, diutius in luxuriâ versati atque opes nacti, fiebat, ut his saepius pauperiores indigerent, eorumque et voluntati et studiis obsequerentur. Hinc autem optimates, plurimos a se cives pendere prorsus intelligentes, pro eâ, qua ipsi erant, morum pravitate, superbum in alios exercere nitebantur dominatum, et sic ad oligarchiam civitatis conditionem componentes, aequalitatem, firmissimum ejus fulcrum et praesidium, tollebant prorsus.

Neque tantum aequalitatis sic tollebatur ratio, sed patriae simul imminuebatur amor. Nam, cum optimates eo superbiae et insolentiae processissent, ut, quo lautius viverent, liberiusque voluptates explerent, aliorum sibi et possessiones et jura vindicarent; pauperiores vero eorum vix ferentes dominatum, eum tamen prae suâ corruptelâ haud frangere valerent; atque corrupti omnes suas unice res cogitarent, opes augerent, in semet invicem odio proruerent; vix quidquam vel voluntatis, vel temporis, vel corporis animique virium ad patriae causam rite agendam relinquebatur. Istiusmodi autem civitates, in quibus suum quisque emolumentum spectat, nec omnium commodum ad unam patriae auctoritatem refer-

tur

tur et dignitatem, hac igitur quam prope a ruinâ absint, nemo non facillime intelligit. Sic igitur morum perversitas et aequalitati tollendae, et patriae amoru minuendo, et civitatibus debilitandis atque pessumdandis unice inserviebat. Et haec quidem ut universe de antiquis Rebuspublicis, sic omnium maxime de Romana valent civitate.

Postquam Graecis Asiaticisque victoriis ingens, apud Romanos divitiarum et magnificentiae exstiterat studium, magnamque aviti mores subie-rant commutationem, magnopere se nobiliores opibus extulerunt; et cum humiliores plerique, ad sumtuosas libidines explendas saepius iis indigerent, dominari sensim in eos ditiores coeperunt. Quod quo magis ipsis initio cedebat, eo majorem insolentiam et superbiam concipiebant, ut, invitis etiam legibus, sibi pauperiorum jura et possessiones vindicarent. Cum porro omnes luxuriae essent dediti, nec tamen sumtibus faciendis plerorumque sufficeret patrimonium, grande aes alienum contrahebant, suamque in dies deteriorem reddebant conditionem. In tali autem et singulorum ad opulentiam proclivitate, et ordinum disfociatione atque inaequalitate quâ poterat patriae integer manere amor? Nam, praeterquam quod corporis animique vires molli otio debilitatae fortitudini, constantiae, prudentiae impares fiebant, id praecipuum omnes ha-

habebant, ut cum Reipublicae detrimento vel ex iis, quas suâ ipsorum culpâ subibant, emergerent calamitatibus, vel suam quavis ratione firmarent auctoritatem. Quales quum milleni aliquot Bacchanalibus essent initiati, non tantum ad foedissimas omnis generis libidines haec sacra referebantur, sed falsi testes, falsa signa, testimonia, indicia, venena, caedes ex ea officina exhibant; et, cum repente nimias hic coetus vires caperet, quam ut privatorum facultatibus distrahendis se contineret, ipso Reipublicae excidio sibi prospicere in animo habebat (1).

Tum vero, quoniam mali universos infecerat contagio, pluribus sensim ad magnificentiam opibus indigebant, majus aes alienum constabant, et omnem auctoritatis firmandae, pecuniaeque parandae sibi justam putabant viam. Magistratus in Provinciis parentes vexabant et expilabant (2), judices e Senatorio ordine lecti divitum largitionibus corrumpi se patiebantur (3).

Prouti autem haud uno eodemque tempore suum perverſitatis fastigium mores attigerunt, sed plurimis corruptelae illecebris insignem
pra-

(1) Liv. L. 39. C. 8. et C. 16. (2) Freinsh. Supp. ad Liv. L. 49. C. 58. (3) Appianus de Bello civ. L. 1. p. 362. Steph. ed.

pravitatem contraxerunt, sic etiam rerum civilium arctissime cum moribus conjunctus lapsus sensim et gradatim obtinuit; adeo ut, quo insignior animorum fiebat perversitas, eo longius a vigore recederet civitas. Sic igitur post deletam Carthaginem et Corinthum, aliorum mirum in modum auctis divitiis, lubricinibus, grassandi dominandique studio, aliis summâ paupertate pressis, universis vero in nullo hostium metu trahentibus ac rapientibus, in duas omnia partes abstrahabantur, quaeque hactenus media fuerat, dilacerabatur Respublica (1). Cujus quidem mali, ut jam antea initia apparuerant, sic Gracchorum maxime aetate tota prodiit vis et amplitudo. Quod quo plenius percipiatur, rem paulo altius repetere est operae pretium.

Vicinorum, quos bello devicerant Romani, parvo aere solebant pauperibus locare agros. Ditiones autem, licet jam ita in plebem grassarentur, vix ut accessioni locus superesse videretur, hac tamen avaritiâ et immanitate superbum dominatum cumulabant, ut ingenti pecuniae vi ac fraude, sublati egenis, hos sibi agros compararent. Neque vero ad eos colendos inopes, at liberos tamen et Romanae civitatis participes, adhibebant; sed, his una cum familiis

(1) Sall. B. J. C. 41.

liis suas ipsas terras relinquere coactis, omnique publicae salutis posthabita cura, quo pinguius lucrum perciperent, vilissimis undecumque Romanam tendentibus servis eorum curam mandabant (1). Tum igitur et ingens populi pars ad summam redigebatur inopiam, et tota fere Italia suis cultoribus vacua peregrinis servitiis obruebatur, et paucissimi quidam e divitum genere velut *αὐτοκράτορες* in reliquos omnes tyrannidem exercebant. Huic tristissimae plebis conditioni ut jam C. Laelius Scipionis amicus occurrere decreverat (2), sic vere se opposuerunt Tiberius et Caius Gracchus. Plebis uterque Tribunatu fungens plurimas in ejus gratiam tum imprimis agrarias promulgavit leges. Quibus quum et agros pauperibus restitutum, et ab ingentibus facultatibus aliquid merito detractum, et suam auctoritatem imminutum iri divites intelligerent, summa ima moverunt, ut ne ad effectum hae leges perducerentur. Et primum quidem Tiberio, optimo civi, Crassi, Scaevolae, Appii Claudii auctoritate, Corneliae matris adhortatione, suaque omnium maxime virtute ad plebis causam agendum incitato, huic igitur tanto, tamque praec-

(1) Plut. in Tib. et C. Gracchis p. 827.

(2) Plut. l. l.

claro viro Marcum Octavium, ejus in Tribunatu et collegam et familiarem et multis nominibus studiosum, opposuerunt (1). Pariter Caji, populo acceptissimi, per Livium Drusum et L. Opimium callide quidem, sed honeste parum irritos reddiderunt conatus (2). Dein vero, cum plebem calamitatibus tamdiu jactatam, et omni fere morte tristiores passam servitutem (3), ast nunc sub egregiis ducibus spiritus sumere visam, nec criminandis Gracchis, nec ingentibus beneficiis, nec Tribunorum intercessione, placare possent et a proposito avertere, ne tamen cum suo incommodo alteri civium parti, omninoque civitati subveniretur, Gracchos interficiendos curaverunt (4). Sic igitur, omni patriae misfo amore, partium instar, implacabili in adversarios proruentes odio, eorum oppressione et caede suam unice auctoritatem superstruere studebant. Cum autem Romani hac aetate pro insigni morum corruptelâ suam, non Reipublicae, cogitarent dignitatem, mirum profecto haud est, si nulla non foedissima, civitati quidem noxia, at suis commodis inservientia singuli admitterent fla-

(1) Plut. in Gr. p. 828. sqq. (2) Idem l. l. p. 838. sqq. (3) V. egregia Tiberii Gracchi apud Plut. obvia oratio p. 828. (4) Plut. passim; imprimis p. 833, 842.

flagitia, eoque sensim procederent, ut auro argentoque omnia postponentes, venalem urbem incolerent, mature perituram, si emptorem inveniret (1).

In tam corrupta partibusque dilacerata civitate sponte ambitiosi et audaces homines partium se fautores profitentes, easque largitionibus sibi devincientes summam rerum ad se traducere, et tyrannidem exercere moliebantur. Sic, cum oppressae hactenus plebis Marius, optimatum vero Sulla causam propugnare haberentur, haud illi vel populi jura, vel nobiliorum auctoritatem spectabant sed id agebant, ut factione quique suâ adjuti et stipati summâ rerum soli potirentur. Unde, cum Gracchorum caede in civium sanguinem saevire didicissent Romani, atrocissima ac horrenda prorsus existebant bella civilia; e quibus qui victores exhibant, quoniam pro arbitrio omnia peragebant, absolutamque sibi assecebant potestatem, durissimam Romani patiebantur servitutem.

Interea vero alium alio opprimente, civitatisque vires in privatum commodum tollente prorsus, eo tandem res devenit, ut non, nisi unius imperio, civitas administrari posse videretur. Quod quidem in tantâ omnium perturbatione ad otium

et

(1) Sal. B. J. C. 35.

et tranquillitatem insigne emolumentum sub Octavio obtinuisse novimus. Ast, quoniam ab illo inde tempore Rempublicam vere sic dictam Romani haud habuerunt, ulterius hocce non persequimur argumentum. Ex iis autem, quae disputavimus, unicuique facile pateat, morum corruptelam civitatem Romanam debilitasse et pessumdedit. Quod cum suo jam aevo futurum praevideret Cato Major, prudenter cives monebat, ut, si virtute et continentia magni evasisent, ne ad deterius vergerent; sin vero intemperantia et pravitate, meliora amplecterentur, his enim eos jam satis crevisse vitiis (1).

§. 6.

Cum tanta haberetur antiquitas morum ratio, factum est, ut summam esset cum Athenis Areopagitarum, tum Romae Censorum auctoritas et existimatio.

Moribus stetit civitates antiquas, satis jam nobis probasse videtur ex ipsarum indole, tum ex principum virorum legibus, tum, quod omnium gravissimum est, ex veterum gentium historia. Quae cum universa esset antiquitatis ratio, mirum videri non potest, existisse apud Ro-

(1) Plut. in vita p. 340. C.

Romanos magistratum peculiarem, qui propter morum maxime curam summo haberetur honore. Et vero sic accidit, ut similis esset Athenis Areopagitarum ratio, quos veneratione plane prosequiebantur Athenienses. Quod, quo magis illustretur argumentum nostrum, paucis hoc loco exponendum.

Gravissimas causas dijudicabant Areopagitae, sed insigne item munus habebant, ut moribus prospicerent. Pueris tutores et curatores dabant. Cavebant, ut secundum facultates alerentur et instituerentur, nec desidia et socordiae indulgerent. Neque tantum puerorum, sed omnium civium mores attendebant. Quotquot incondite viverent, morumve pravitatem patefacerent, pro delictorum gravitate puniebant. In publicos se coetus, nuptias v. c. et solennia sacrificia conferebant, ut intemperantiam in conviviis celebrandis et libidinem impedirent. Quam vero in pueris, diligentius etiam in adultis coercebant socordiam. Eorum domos intrantes in singulorum vivendi rationem inquirebant. In ignavos et pigros animadvertebant. Videbant, quo quisque quaestu se suosque aleret. Arcebant fordidum et turpe lucrum, fraudes, furtum. Curabant omnino, ut ne civium mores corrumperentur (1). Atque hanc morum curam

(1) Isoc. in Areop. p. 332 sqq. Plut. in Sol. p. 90. E.

ram tantâ exsequebantur religione, ut non modò nil eos lateret mali, verum inquirerent etiam, quinam peccaturi viderentur (1). Non igitur transgressionibus tantum puniendis et poenae metu a vitiis deterrebant cives, sed id maxime agebant, ut nil illi poenâ dignum committere vel-
lent (2).

Idem igitur Athenis Areopagitarum, et Romae Cenforum erat munus, et qui Cenforibus, idem quoque Areopagitis constabat honos. Nam honoratissimum, sanctissimum, omnibus, quae in Graecia aderant, praestans eorum habebatur tribunal (3); de quo, ex Demosthenis testimonio, tot tamque praeclara posset proferri, quot in aliud Graeciae iudicium caderent nullum (4). Atque haec Graecorum de eo sententia Cicero-
ni sic probata fuit, ut Romani Senatus laudes haud efficacius se Attico significare posse putaret, quam cum Areopago eum comparando. *Romanae*, inquit, *se res sic habent. Senatus ἄπειρος πᾶντος. Nihil constantius, nihil severius, nihil fortius* (5). Quid? quod Solonis in eo condendo consilium nobilissimae Themistoclis vic-
to-

Valerius Max. L. 2. C. 6. Ex. 4. et auctores, quos citat Potter. l. l. p. 91. (1) Ifoc. l. l. p. 335. (2) Idem p. 332.

(3) Ifoc. l. l. p. 329. Cff. Script. quos citat Bergman l. l. pag. 127 et 139. (4) In Orat. adv. Aristocratem Tom. I. p. 641. (5) Ep. ad Att. L. 1. Ep. 14.

toriae prope anteponebat. Quamvis, ait, Themistocles jure laudetur, et sit ejus. nomen, quam Solonis, illustrius, citeturque Salamis clarissimae testis victoriae, quae anteponatur consilio Solonis ei, quo primum Areopagum constituit: non minus praeclarum hoc, quam illud, judicandum est (1).

Quandoquidem igitur in morum conditione antiquarum civitatum salus vertebatur, et alia ad illos regundos exstiterunt instituta, et Athenis Areopagitis, Censoribus Romae istiusmodi fuit commissum munus, quod, ut mores spectabat, sic praecipuam iis auctoritatem conciliaret.

Caeterum in totâ hac causâ eadem est gentium, quae singularium hominum ratio. Est hoc unicuique, ni prorsus sit ingratus, vere insitum, ut, quem suis rebus prospicere, praeceptis se monitisque adjuvare, ad virtutis amorem adducere intelligit, hunc igitur veneretur. Eadem veteribus institutorum, quae mores spectabant, suo pretio habendorum causa erat. Nam, cum a civium moribus civitatum tum incrementum et vigor, tum lapsus et interitus plane penderet, non poterant non istiusmodi instituta, quibus omne fere ad civitatem firmandam et augendam inerat momentum, summâ esse existimatione. Quem-

(1) De Off. L. 1. C. 22.

Quemadmodum igitur unusquisque homo eo majori alios loco habet, quo melius de felicitate suâ promovendâ meruerunt, quoque aegrius eorum operâ caruisset; sic magnus quoque antiquitus illis institutis constitit honos, quae civitatum vigori stabiliendo et augendo inservirent, quorumque ipsae non nisi aegerrime tulissent desiderium,

Et sic quidem videri possit speciminis nostri profligata jam et ad exitum fere perducta quaestio. Attamen, ut ne, quae huc faciunt, alia negligamus gravissima, operae pretium est, hanc Censoriae auctoritatis et existimationis causam ex peculiari item et civitatis Romanae ratione et Romanorum indole confirmare. Nam vel fallor equidem, vel valebit haec disquisitio ad eam, quam hactenus proposuimus, sententiam illustrandam et commendandam,

SECTIONE SECUNDA,

DE PECULIARI ET CIVITATIS ROMANAE RATIONE ET ROMANORUM INDOLE,

§. I.

Peculiaris civitatis Romanae ratio.

Cato, teste Cicerone, dicere solebat, ob hanc causam praestare Romanae civitatis statum ceteris civitatibus, quod in illis singuli fuissent fere, quorum suam quisque rem publicam constituis-

misent legibus atque institutis suis; ut Cretum Minos; Lacedaemoniorum Lycurgus; Atheniensium, quae per saepe commutata esset, tum Theseus, tum Draco, tum Solo, tum Clisthenes, tum multi alii: postremo ex sanguinem jam et jacentem doctus vir Phalereus sustentasset Demetrius: Romana autem Respublica non unius esset ingenio, sed multorum; nec una hominis vita, sed aliquot constituta seculis et aetatibus (1).

Et profecto ex hac gravissimi viri sententia et veterum civitatum, et Romanae Reipublicae diversam perspicere licet rationem. Etenim in illis a legumlatorum ingenio magistratuum institutio, publici privatique juris descriptio, omnis omnino rerum administrandarum profecta fuit ratio. Romae vero nec uni viro, nec aetati suam haec debuerunt originem, sed variis illa exstiterunt temporibus et ab ipsa potius populi, a totius civitatis manarunt voluntate. Non illic, expulsis Regibus, fuit, qui legislatoris instar duobus magistratibus regiam plane manderet potestatem; nec continuo horum munera rite fuere circumscripta, suaeque aliis magistratibus assignatae partes: sed Romani ipsi in Comitibus annua imperia binosque crearunt Consules

(1) De Rep. L. 2. C. 1.

les; quorum eadem, quae Regum, erant munera; et dein demum, cum hi prae bellorum frequentia rebus in urbe peragendis impares essent, sensim sensimque ex ipsius populi voluntate alii prodierunt magistratus. Sic civium census per septemdecim annos a Cosf. intermissus ad Censores translatus fuit. Pariter jurisdictio, quam hactenus administraverant Consules, ad Praetorem transiit, qui omnibus in urbe habitantibus jus diceret. Et ipse ille Praetor dein, negotiorum multitudine vexatus, primum unum, qui peregrinorum lites dirimeret, mox vero, regionibus quibusdam in Provinciae formulam redactis, plures nactus est collegas. Censores vero quemadmodum primum censui agendo suffragiis ipse populus praefecit, sic dein, lubente quoque populo, eorum ita aucta est potestas, ut Romanorum vectigalia administrarent, publicorum jus privatorumque locorum definirent, morum denique disciplinaeque Romanae regimen haberent. Et sic quoque ceteri magistratus non legislatoris auctoritate, nec uno eodemque tempore, sed civium voluntate et sensim paulatimque exstiterunt. Quod vero ad rerum administrandarum rationem, et publica privataeque civium jura attinet, haec etiam non ab uno viro constituta et descripta, nec primis eadem fuisse, quae Catonis fuerunt, temporibus, vix opus est, ut moneamus.

A ceteris igitur civitatibus, ut et ex historiâ et ex Catonis sententiâ patet, diversa fuit et peculiaris prorsus Reipublicae Romanae conditio, Quemadmodum autem reliqua omnia, sic et morum instituta in illis a legumlatorum, in hac vero ab ipsius populi profecta fuere voluntate. Quaecumque Spartaë et Athenis morum bonitatî promovendae inserviebant, publica puerorum educatio et institutio, ferrea moneta, xenelasia, munera publica improbis vel negata, vel, si iis fungerentur, ademta, Lycurgum hæc et Solonem habuere auctores. Romani contra cuinam tandem legislatoris curae morum debuerunt excellentiam? Imo vero sanctissimo Areopagitarum tribunali Athenis Solon, Romae Censoribus morum curam ipsa injunxit civitas.

Hæc jam peculiaris civitatis Romanae conditio facit quoque ad Censorum auctoritatem declarandam et existimationem. Nam, cum Athenienses eos, qui unius viri voluntate moribus regundis præcærant, quia tamen civitati mirum in modum proderant, summo habuere loco; fieri non poterat, quin Romani eum et colebant et venerarentur magistratum, quem ob insignem rei utilitatem moribus præfecerant *ipsi*,

§. 2.

Peculiaris Romanorum indoles.

Simplex omnium gentium est vitae ratio, antequam ad cultum et humanitatem perveniant. Sed haud facile reperiatur populus, qui pristinam suam simplicitatem omni aëvo tantopere celebraverit, quantopere gens Romana. Certatim eam laudibus praedicarunt Romanorum poetae, historici, philosophi. In quibus laudibus studium imprimis occurrit agriculturae, quo principes viri quam maxime tenebantur. Sic Plinius in agrorum fertilitatem inquirens, ipsorum, ait, tunc manibus Imperatorum colebantur agri; ut fas est credere, gaudente terrâ vomere laureato, et triumphali aratore; sive illi eâdem curâ semina tractabant, qua bella; eâdemque diligentia arva disponebant, qua castra; sive honestis omnia manibus laetius prove-niunt, quoniam et curiosius fiunt (1). Quid mirum igitur, si Romani illos imprimis magni facerent magistratus, qui id potissimum curabant, ut ne ullam in rebus lautioribus commutationem subiret morum simplicitas. Et vero Censores eos item notabant, qui agrum male

CO-

(1) H. N. L. 18. C. 4.

colebant, atque, quem virum *bonum colonum* dixerant, amplissime laudasse existimabant (1).

Sed alia item hic nobis animadvertenda sunt gentis Romanae studia. A primis jam inde urbis conditae temporibus dominandi in Romanis occurrit ardor. Finitimas gentes et sub Regibus et magis etiam, liberâ Republicâ, sibi subjicere et ita imperii fines propagare conabantur; ut mature jam regere imperio populos unice appeterent. Hoc autem dominandi studium ut melius aliquando explerent, tum aliis erga devictos populos utebantur artibus, tum fortissimi in bello esse nitebantur; ideoque rebus imprimis militariis tanto assidue studio operam impendebant, ut, ceteris vel ignotis vel incultis etiam nunc artibus, haec una jam ad vigorem perveniret. Quid quod totam eo referebant juventutis institutionem, ut laboris illi ac belli patientes fierent (2). Huic a teneris asfuefactus saltare, currere, jaculari, gravissima arma ferre in deliciis habebat civis Romanus, hoc potissimum spectans, ut fortis fieret, nec hostibus in bello impar esset. Ne vero in ipsis castris molli otio a fortitudine remitterent milites, corpora illic quoque confirmari, mollietates et ignavia summo studio arceri

sq-

(1) Plin. l. l. C. 3. (2) Sall. B. C. C. 7.

solebant : unde jure Cicero totam rem militarem a majoribus divinitus constitutam fuisse affirmat (1). Istiusmodi igitur genti, quae quo magis invalescebat, eo ardentius orbis terrarum principatum appetebat, id omnium maxime curandum, ut ne civium, in lautiore re versantium, corpora debilitarentur, et ipsi sic bellicos labores vix ferentes instantibus hostibus cederent. Curandum iccirco, ut ab ignaviâ, luxuriâ, mollietie integri manerent mores. Jam vero cum Censoribus gravissimum morum regimen ipsa concessisset civitas, non poterat non illos summo honore, imo veneratione, prosequi, quorum potissimum operâ cives in majorum intuentes virtutem, mente conceptum aliquando exequi posset propositum.

In peculiari autem Romanorum indole, quatenus ad argumentum nostrum facit, describendâ, minime eorum est mittenda gravitas ; quâ, ex antiquorum testimonio, adeo conspicui fuisse videntur, ut eam in vultu, in amictu, totâ vitae ratione, nobilissimis de rebus publicis consiliis, in summo civitatis discrimine, imo in praesenti ejus ruina semper referrent. Et vero quantopere sic ab aliis antiquitatis gentibus discre-

(1) Tusc. Quaest. L. 4, C. 1. Cf. L. 1, C. 1.

creparent, dici vix potest. Quae apud illas ita laudi ducebantur, Romanorum gravitati repugnabant, absque iis vitio vertebantur. Sic in scenam prodire et populo esse spectaculo, nemini in Graecia fuit turpitudini, Romae vero ita humile habebatur, ut id genus hominum non modo honore reliquorum civium caret, sed Cenforia notatione tribu moveretur (1). Huic autem indoli unusquisque videt, quantum congruat morum regimen. Athenienses levioris fere indolis et novitatis saepe quam avitae conditionis amantiores Areopagiticum tamen tribunal magni fecisse vidimus. At Romani, majorum religiosi cultores, et illud tenentes, antiquis moribus Rempublicam esse superstruendam, horum vindices et statores venerantur. Accedit, quod ipsa haec morum cura nescio quid dignitatis habebat, gravitatis, majestatis. Sacerdotum instar in ea animadvertabant Cenfores, quae, utut legibus haud obnoxia, antiquae tamen civitatis disciplinae adversabantur. Neque tantum viliores e tribu movebant viros, sed honoratiores etiam, imo summis in Republica functos honoribus Equestri et Senatoria dignitate privabant. Ab eorum ita judicio pendebat, quo quis in civitate loco, quo honore, qua apud

ce-

(1, Nepos in praef. Cic. de Rep. L. 4. C. 10.

ceteros cives esset existimatione. Quocirca sanctissimum istiusmodi morum regimen non poterat non gravioris indolis hominibus vehementer placere.

Quo vero magis in hoc argumento tractando progredior, eo graviora, quae huc faciunt, in Romanorum indole mihi invenire videor. Nam fidei, justitiae, probitatis quantopere Romani tenaces essent Cicero declarat, cum nullam hac in causa gentem majoribus aequiparandam et ab iis virtutis exempla petenda dicat (1).

Censoribus igitur, ut φύλαξι, καὶ σωφρονίσταις, καὶ κολάσταις, τοῦ μηδένα καθ' ἡδονὰς ἐκτρέπεσθαι καὶ παρεκβαίνειν τὸν ἐπιχώριον καὶ συνήθη βίον (2), summus apud Romanos constitit honos. Hinc autem factum, ut optimi quique et patriae amantissimi cives in eos gravissime inveherentur, qui, lapsa jam opibus morum bonitate, malum hoc, Censorum tollenda dignitate, in dies latius serpere sinebant. Quemadmodum enim Caesar fertur omnem in civitate conversionem, omnesque turbas, tanquam ὕλην eorum, quae machinabatur, excitasse potius et aluisse, quam restinxisse (3), sic etiam hominibus

(1) Tusc. Quaest. L. 1. C. 1. De Orat. L. 3. C. 34. Ceterum de hoc argumento conf. J. C. Voorduin in comment. *ad Cicero de Romanis ac Graecis iudicium, quod est Tusc. Quaest. L. 1. C. 5. p. 12. sqq.* (2) Plut. in Cat. Maj. p. 345. B. (3) Plut. in Cat. Min. p. 769. F.

bus rerum novarum cupidis haec Censurae molestissima erat severitas, eamque omni ratione ni tollere, at infringere tamen nitebantur. Quod cum viderent, quantum Reipublicae afferret detrimenti, sponte et alii eo perveniebant et vero Cicero, ut in agitando Clodio, ejusque recensendis flagitiis, hominem diceret, in stupris inauditis nefariisque versatum, pessime ideo de Republica meruisse, cum veterem illam pudoris fustulisset et modestiae magistram, severitatem Censoriam (1), id est, cum firmissimo, quo tamdiu integra steterat, praesidio privasset civitatem.

Et ex his quidem omnibus satis patere arbitramur, quid factum sit, ut tanta apud Romanos Censurae auctoritas esset et existimatio. Sed, quandoquidem Censores, quam a munere mutuabantur dignitatem, hanc ipsi quoque moribus suis et virtutibus cumularunt, restat, ut hac de re item paucis agamus.

SECTIONE TERTIA.

UT CENSORIBUS CENSURA, SIC CENSURAE
VICISSIM CENSORES DIGNITATEM
CONCILIARUNT.

Diximus, Romanos Censuram omnium, quibus quis fungi posset, honorem habuisse fasti-

(1) In Pis. C. 4.

tigium. Quocirca non quosvis cives, sed eos tantummodo, qui diu Rempublicam gesserant, optimeque de eâ meriti fuerant, Consulares plerumque viros hoc magistratu ornari volebant (1). Hi vero quo apud cives loco essent, inde sponte perspicitur, quod et per alia munera ad Consulatum sibi aditum praebere debuerant, et saepius ob rem praeclare actam triumphaverant. An vero, ut exemplis utar, M. Furium Camillum, M. Livium Salinatorem, Cajum Claudium Neronem, nobilissimum Asdrubalis ad Metaurum victorem, P. Cornelium Scipionem Africanum, T. Quintium Flamininum, Graeciae a Philippo Macedone liberatorem, Marcum Porcium Catonem, L. Valerium Flaccum, Tib. Sempronium Gracchum, L. Aemilium Paulum, Persei regis debellatorem, P. Cornelium Scipionem Africanum Aemilianum, Numantiae ac Carthaginis expugnatorem, Q. Mummius Achaicum, mediocrine hos omnes existimatione fuisse putamus? Aeternam hi viri amplissimis muneribus obeundis, fortissimis gentibus debellandis, patriâ a praesenti saepius excidio vindicandâ apud cives sibi comparaverant gloriam; qui, quo gratiorem iis animum probarent, et libenter triumphi honorem

con-

(1) Disf. pag. 4.

concedere, et omni admirationis voluntatisque significatione prosequi solebant. Quocirca, cum ob summa haecce in civitatem merita jure cohererentur, non poterant non, Censurâ dein ornati, tantum muneri splendorem conciliare, quantum eorum existimationem augebat munus (1).

Accedit autem, quod in Censoribus creandis non dignitatis tantum, sed et vitae morumque rationem Romani habebant. Egregie nimirum videbant, haud penes illos morum regimen esse oportere, qui ne ipsi quidem indolis se commendabant integritate. Quamobrem iis fere semper hoc munus mandabant Consularibus, quorum vitae morumque probata erat excellentia. Cujus quidem rei si exempla quaeruntur, iidem ferme, qui modo, afferendi sunt viri. Camillo enim quis unquam in summo patriae amore moribus praestantior? quem et diuturnam Faleriorum obsidionem turpissimae magistri proditioni fuisse praelaturum (2), et ad Vejos in re prosperâ optasse novimus, ut, ,, si cui Deorum hominumque nimia sua fortuna, populique Romani videretur, ut eam invidiam lenire suo privato incommodo, quam minimo publico populi

Ro-

(1) Hos viros Censores fuisse patet e Plut. in Cam. p. 129. D. Liv. 29. C. 37. L. 32. C. 7. L. 37. C. 58. L. 39. C. 40. Plut. in Cat. Maj. p. 345. E. Liv. L. 43. C. 14. Plut. in Paulo 275. D. Cicer. de Off. L. 2. C. 22. (2) Liv. L. 5. C. 27.

Romani liceret." (1). Quod quam ex animo precaretur, dein vir egregius docuit. Nam, cum, a Tribuno die ipsi dicta, in exilium abisset (2), adeo hanc ignominiam non prae se tulit, ut, Gallis urbem tenentibus, Ardeates auxilia Romanis rogaret (3), et arcesitus mox laetus Romam tenderet ad patriam liberandam. Flaminini quoque magnopere a veteribus celebrantur virtutes, cum ejus universam Graeciam non magis in bello virtutem, quam in victoria temperantiam, justitiam et moderationem miratam fuisse affirmant (4). De Lucio autem Valerio etiam si ipsi diserte non tradunt antiqui, hoc tamen pro viri moribus pugnat, quod M. Porcius Cato et ejus a juventute delectatus fuerat consuetudine, et illo uno collegâ castigare se nova flagitia, et priscos mores revocare posse aiebat (5). Quas vero Flaminino, easdem Lucio Aemilio Paulo Graeci tribuerunt laudes. In hac enim regione cum Sulla victor degeret et ab Amphictyonibus Apollinis Delphici thesauros peteret, tum in aliorum illi, tum in Flaminini et Pauli redierunt memoriam, quos nobilissimis victoriis inclytos non tantum Graecis templis abstinuisse, sed et donis illa et honore

et

(1) Liv. L. 5. C. 31. (2) Idem L. 5. C. 32. (3) Idem L. 5. C. 44. (4) Idem L. 34. C. 22. (5) Idem L. 39. C. 40. Plut. in Cat. Maj. p. 337 E. et 345 D.

et veneratione cumulasse noverant (1). Et Paulus quidem adeo virtuti posthabuit divitias, ut pauperrimus ipse, generum sibi eligeret ex nobili et praestanti at inopi gente oriundum (2). Ipse vero primum ex Hispania Romam rediit, ne ter uncio quidem bello locupletior factus (3), inox, Persco devicto, ingentem auri argenti-que vim ex regiis thesauris collectam ne intuitus quidem, Quaestoribus in aerarium deferendam concessit (4). Cum autem magna ejus esset erga victos clementia, magnae quoque ceterae virtutes, quid mirum, si praestantissimae et felicissimae cum extulerint exequiis; quae, de Plutarchi testimonio, non aurum, nec ebur, nec magnificus apparatus erant, sed benevolentia et honos et studium non civium modo, sed et hostium. Nam ex Hispania, ex Liguribus et Macedonibus qui Romae erant, juvenes quidem et fortiores lectum gestabant, seniores autem funus comitantes, Aemilium liberatorem et patriae quique suae servatorem dicebant (5).

De hujus autem filio, Africani majoris adoptivo nepote, Scipione Aemiliano quid dicam? Aut unde in viri virtutibus tradendis initium capiam? Cum tot tantaque earum veteres exhibent

(1) Plut. in Sulla p. 459 D. (2) Meiners l. l. p. 95.
 (3) Plut. in vita p. 257 A. (4) Idem l. l. p. 270 D.
 (5) Idem l. l. p. 276 B.

bent documenta, ut in iis eligendis dubius profusus haereas. Et profecto, uti poeta ait,

Fortes creantur fortibus et bonis.

Est in juvenis, est in equis patrum

Virtus: nec imbellem feroces

Progenerant aquilae columbam (1).

sic mirum non est, praestantissimo patre dignissimum fuisse filium. Nam, ut bellicas laudes, quarum hic dicendi non est locus, mittam, tam parvi opes faciebat, ut et gemmas, quas a Scipionis avi uxore acceperat, matri ac sororibus, et paternam hereditatem, quindecim talentis auctam, fratri donaret (*). Tanta praeterea in eo fuit vitae simplicitas, „ut post duos inclytos Consulatus totidemque triumphos septem tantummodo servos legationis comites haberet. Itaque cum per socios et exteras gentes iter faceret, non mancipia ejus, sed victoriae numerabantur; nec quantum auri et argenti, sed quantum amplitudinis pondus secum ferret, aestimabatur” (3). Justitiae vero et probitatis mirabilis in eo fuit sensus, cum Carthagine captâ, nec praecipuum sibi quid ex praedâ sumeret, nec in victos crudelis esset, eorumve opibus suum ornari vellet triumphum, sed variis

(1) Hor. Carm. L. 4. Od. 3. v. 29 sq. (2) Meiners I. I. p. 102. (3) Val. Max. L. 4. C. 3. Ex. 13.

riis Siciliae populis, quae Carthaginicae abstulerant, reddere studeret artis monumenta (1).

In illis autem viris recensendis, qui quidem praeter ceteris suam existimationem non tantum muneri Cenforio debuisse, sed et ipsum munus ornasse videntur, quî mittere possumus M. Porcium Catonem, quem ea indole fuisse, sic omnium, quotquot unquam exstiterunt, Cenforum praestantiam superasse constat, ut unus a censendi munere summam reportaret gloriam. Quocirca, uti de praeclarissimis Cenforibus univèrsè tantum diximus, sic, quo evidentius pateat, quantopere ipsi viri munus honorificum redderent, juvat jam Catonem tanquam perfecti Cenforis exemplar proponere.

Hic igitur vir a prima jam aetate in duo incubuit studia, quibus qui operam dabant, Cenfuram aliquando gerere potuisse vidimus. Nam, postquam a septimo decimo aetatis anno in Italia adversus Annibalem sic stipendia meruerat, ut corpus adversis vulneribus oppletum haberet, a Quinto Valerio Flacco incitatus ad Rempublicam capeffendam ruri Romam retendit (2). Primum tum Scipionem Quaestor in Africam comitatus (3), dein Aedilis Plebis fuit (4), quo vix deposito magistratu, creatus

(1) Cic. Verr. 4. C. 33. (2) Plut. in Cat. p. 336. seq.

(3) Idem p. 338 A. (4) Liv. L. 32. C. 7.

est Praetor (1), et Sardiniam Provinciam obtinuit (2). Tandem vero his omnibus, quibus ad Consulatum aditus parari solebat, functus muneribus, Consul Hispaniam est sortitus (3), ubi rem tam praeclare gessit, ut et saepius hostes fugaret, et plurimae ad eum deficerent gentes, et Romam redux triumphi honore ornaretur (4). Tum autem non illorum secutus est exemplum, qui, quam primum Consulatum cum laude gesserant, Rempublicam relinquebant, sed, „ cum eum cogeret necessitas nulla, in Reipublicae undis et tempestatibus ad summam senectutem maluit iactari, quam in tranquillitate atque otio jucundissime vivere (5). Nam et Tiberii Sempronii in Thracia legatus fuit, et, Acilio Glabrione Consule, Tribunus militaris ad Thermopylas Antiochi Aetolorumque exercitum fugavit (6). His autem muneribus perfunctus, et egregie de Republica meritis,

tan-

(1) Liv. l. 1. (2) Idem L. 32. C. 27. Plut. in vita p. 339 D. (3) Liv. L. 33. C. 42 seq. (4) Idem L. 34. C. 14. sqq. C. 29. et 46. Plut. in vita p. 341 seq. (5) Cic. de Rep. L. 1. C. 1. Cf. Plut. l. 1. p. 342 D. (6) Liv. L. 36. C. 17 seq. Plut. in vita p. 342 sqq., a quo, ut et a Cicerone, sic dissentit Livius, quod eum in Graecia non *Tribunum*, sed *Consulis legatum* fuisse tradit. V. Cic. de Senect. C. 19.

tandem Censuram petiit (1), ad quam sic omnibus, quibus quis Romae fungi poterat, honoribus insignis accessit, ut dubites omnino, majoremne Catoni munus, an muneri Cato honorem conciliaret.

Attamen, ut perfectum in Catone Censorem animadvertamus, non tantum, quae cum aliis communia ipsi, sed etiam quae priva fuere, imprimis sunt attendenda, virique mores explicandi.

A pueritia jam vitae frugalitate, laboribus et exercitationibus corpus firmaverat et belli periculis exantlandis aptum reddiderat. In Fabii autem Maximi exercitu admodum adolescens militans, cum a Nearcho Archytae Tarentini orationem accepisset, qua nullam capitaliorem pestem, quam corporis voluptatem hominibus a naturâ datam ostenderetur, multo magis frugalitatem et continentiam amplexus est (2); imo vero eo processit, ut ad M. Curii se componere studeret exemplum. Hujus nimirum turgurio agros vicinos habebat, quo saepissime commeans et praedii mediocritatem ac supellectilis tenuitatem spectans, videre sibi videbatur Romanorum principem, de fortissimis gentibus victorem, tribus triumphis ornatum, terram fo-

dien-

(1) Liv. L. 39. C. 40 Plut. in vita p. 345 A.

(2) Cic. de Senec. C. 12. et Plut. l. l. p. 337. B.

dientem et, dum rapas coqueret, magnam auri pondus recusantem. Atque hanc Curii frugalitatem sic admirabatur Cato, ut suam mox domum, praedia et servitia contemplans, laborem intenderet et magnificentiam prorsus tolleretur (1). Tum igitur ruri degens cum servis operabatur, eadem mensa eundem, quo illi, panem comedebat, idem vinum bibebat (2), ad veterum plane rationem mores adaptabat. Neque privatus tantum, sed et primariis in Republica muneribus fungens, avitam morum retulit simplicitatem. Nam, quemadmodum Praetores in Provincias missi tabernacula, lectos, vestem stragulam e publico accipere solebant, et famulorum amicorumque catervâ, convivis, sumtibus socios onerare, sic Cato in Sardinia Praetor, quantum se inter et decesores discrimen esset, suo luculenter ostendit exemplo. Publicis enim sumtibus nunquam indigebat. Ipse sine vehiculo pedibus Provinciae adibat civitates, uno tantum comitante accenso, qui vestem et spondeum ad sacrificandum gereret. Hanc vivendi simplicitatem cum summa in jure dicundo severitate conjungebat, in quo ita inexorabilem se praebebat, tamque rigide Edicta publica servabat, ut, cum frugalitatem Sardes admirarentur, gravitatem

(1) Plut. in vita p. 337. (2) Idem l. l.

tem in vindicanda justitia reformidarent plane (1).

Pariter Consul in Hispaniam proficiscens trium tantum fervorum ministerio utebatur, haedina pelle dormiebat, et, prouti antea fervorum, ita nunc quoque militum et cibus vescebatur et potum bibebat (2). Ac quum difficillimum esset Hispanos ex usurpata libertate Romanis iterum subjicere, sua unice vigilantia hostes subigere potuit. „ Haec enim in eo vis animi atque ingenii fuit, ut omnia maxima minimaque per se adiret atque ageret: nec cogitaret modo imperaretque, quae in rem essent, sed pleraque ipse per se transigeret; nec in quemquam omnium gravius severiusque, quam in semet ipsum imperium exerceret (3); parsimonia et vigiliis et labore cum ultimis militum certaret; nec quidquam in exercitu suo praecipui, praeter honorem atque imperium, haberet.” (4) Istiusmodi autem virum in eo optimorum exemplum Imperatorum fuisse secutum, quod ex praeda nihil magnopere sibi fumeret, haud sane cuiquam mirum videatur, qui eum de virtute cum optimis certare maluisse cogitaverit, quam cum di-

vi-

(1) Plut. in vita p. 339. (2) Val. Max. L. 4. C. 3. Ex. 11. (3) Omnibus se peccantibus veniam dare dicebat, praeterquam sibi. Plut. l. l. p. 340 F.

(4) Liv. L. 34. C. 18.

vitibus de pecuniâ, et cum avarissimis de avaritiâ (1).

Cum autem tantâ Cato morum esset integritate, fieri non poterat, quin et in aliis eam vel excitare vel alere, et ipsos Romanos ad avitam indolis bonitatem reducere conaretur. Hinc igitur factum, ut filium non servo, quem tamen optimum habebat, educandum committeret, sed ipse educationis et institutionis in se susciperet curam, ipse eum jaculari, armis certare, equitare, pugilatum, algus, frigus tolerare, vertices et vim fluminis nando superare doceret: conscriberet quoque historias, quibus majorum disciplinam et instituta cognosceret filius (2). At quantam operam posuit in Republicâ, divitiis jam corruptâ, ad antiquam normam adaptandâ? Quot potentiorum flocci fecit inimicitias, ut patrios in civitate mores tueretur? In Sardinia parum habuit, eam, quam privatus egerat, constanter servare vitæ rationem, sed sanctus et innocens foeneratores ex insulâ fugavit, et sumtus, quos in Praetorum cultum socii facere solebant, partim circumcidit, sustulit partim (3). Romae vero cum de lege Oppiâ abrogandâ ageretur, efficacissimâ id ora-

(1) Plut. p. 342 A. (2) Plut. l. l. p. 348 B.

(3) Liv. L. 32. C. 27. Cf. Crevier ad h. l.

oratione impedire studuit. Hanc nimirum legem, qua medio Punico Bello cautum fuerat, „ *ne qua mulier plus semunciâ auri haberet:* „ *neu vestimento versicolori uteretur: neu iuncto vehiculo in urbe oppidove, aut propius* „ *inde mille passus, nisi sacrorum publicorum* „ *causa, veheretur*” (1), non nisi cum gravissimo morum detrimento abrogatum iri censebat; tum enim nullum modum sumptibus, nullum luxuriae fore. „ Saepe, agebat, me querentem de feminarum, saepe de virorum, nec de privatorum modo, sed etiam magistratuum sumptibus audistis; diversisque duobus vitiis, avaritiâ et luxuriâ, civitatem laborare: quae pestes omnia magna imperia everterunt. Haec ego, quo melior laetiorque in dies fortuna Reipublicae est, imperiumque crescit, et jam in Graeciam, Asiamque transcendimus, omnibus libidinum illecebris repletas, et regias etiam attrectamus gazas, eo plus horreo, no illae magis res nos ceperint, quam nos illas. Infesta, mihi credite, signa a Syracusis illata sunt huic urbi. Jam nimis multos audio Corinthi et Athenarum ornamenta laudantes mirantesque, et antefixa fictilia Deorum Romanorum ridentes. Ego hos malo propitios Deos, et ita spero futuros, si in suis manere sedibus pa-

mu.

(1) Liv. L. 34. C. 1.

tiemur. Patrum nostrorum memoriâ per legatum Cineam Pyrrhus, non virorum modo, sed etiam mulierum animos donis tentavit. Nondum lex Oppia ad coërcendam luxuriam muliebrem lata erat. Tamen nulla accepit. Quam causam fuisse censetis? Eadem fuit, quae majoribus nostris nihil de hac re lege fandiendi: nulla erat luxuria, quae coërceretur. Sicut ante morbos necesse est cognitos esse, quam remedia eorum; sic cupiditates prius natae sunt, quam leges, quae iis modum facerent. — Itaque minime mirum est, nec Oppiam — tum legem desideratam esse, quam aurum et purpuram data et oblata ultro non accipiebant. Si nunc cum illis donis Cineas urbem circumirer, stantes in publico invenissem, quae acciperent (1).

Haec fuit M. Porcii Catonis indoles, quam, ut exemplis adumbrare studuimus, sic paucissimis verbis ad vivum expresit Livius. „Invicti, inquit, a cupiditatibus animi et rigidae innocentiae; contemtor gratiae, divitiarum: in parsi-monia, in patientia laboris periculi-que, ferrei prope corporis animique (2).” Quocirca haud immerito illum semper in ore habebat Cicero (3), et eo omnes, qui iisdem rebus studerent, quasi exemplari ad industriam virtutemque duci censebat (4).

Is.

(1) Liv. L. 34. C. 3. (2) L. 39. C. 40.
 (3) De Leg. L. 1. C. 2. (4) De Rep. L. 1. C. 1.

Istiusmodi jam viro, amplissimis in civitate honoribus ornato, rebus gestis claro, moribus non tantum praestanti, sed et in quorumvis perverſitatem gravissime invecto, unum petendum supererat morum regimen, ad quod sic et natura et studio ipse suo aptus erat, ut, si perfecti Censoris describenda esset effigies, nil magno opere ei tribuendum putares, quin in Catonis expressum sit indole. Et mihi quidem ipse populus Romanus sic de eo judicasse videtur. Nam, quum, adversantibus maxime iis, qui libidinum et veteris disciplinae neglectae sibi, conscii, inexorabilem ejus severitatem reformidabant, Censuram peteret Cato; Romani et Reipublicae salutem curantes, et viri virtutem perspectam habentes, eum, invita nobilitate, Censorem crearunt (1). Tum vero illud munus sustinens, quo suam de moribus opinionem non orationibus tantum, sed rebus ipsis declarare poterat, et principes viros, ipsum adeo Titi Flaminii fratrem Lucium, notavit, et corruptelae contagionem, latius in dies serpentem, omni ratione antevertit.

Et haec quidem de ipsis Censoribus dixisse jufficiat. Quae tamen haud ita a me disputata sunt, ut omnes, quotquot exstiterunt, Censores

(1) Liv. L. 39. C. 40. Plut. in vita. p. 345.

fes etundem muneri honorem addidisse contendam. Nolim hoc equidem de omnibus affirmare, nec profecto ceteros Camillo, Flaminio, Valerio, Aemilio Paulo, Mummio, Scipioni Minori, aut hos Catoni aequiparandos censeam, quos praeterea ipsos, quippe praestantissimos Censores fuisse constar, speciminis loco proposui. Sed hoc equidem affirmare non dubitem, eos, qui Romae Censuram gererent, cum et Consulares et, ni optimis omnes, at nulli pravis moribus essent, ipsum ornasse munus; et ex illis praeclarissimos mirifice Censurae auxisse existimationem.

Et hac quidem, ut paucis complectamur, quae fusius explicuimus, hac igitur veterum Rerumpublicarum et peculiari Romanae civitatis conditione, peculiari item Romanorum indole, et ipsorum tandem Censorum praestantia factum puto, ut Censura ἀπάσης τιμῆς κορυφή, τῆς πολιτείας ἀπάσης ἐπιτελείωσις, πᾶσιν omnino ἱερωτάτη ἀρχὴ haberetur.



T H E S E S.

I.

Elegiis Graeci non tantum argumenta tristitia et lugubria tractabant, sed ad monendum, hortandum, persuadendum hocce poëseos genere subinde utebantur.

II.

Graecorum coloniae συγγέμειας potissimum vinculo cum metropoli conjunctae fuere.

III.

De optima regiminis forma Persarum principes tam praeclare disputantes induxit Herodotus, ut politicam viri prudentiam satis admirari non possimus.

IV.

Egregie Plutarchus in Solone p. 90 A. δεῖ δὲ πρὸς τὸ δυνατόν γράφεσθαι τὸν νόμον, εἰ βού-

βούλεται χρησίμως ὀλίγους, ἀλλὰ μὴ πολλοὺς
ἀχρήστως κολάζειν.

V.

*Quaestiones perpetuae et leges tabellariae
magnopere eloquentiae apud Romanos studia
aluerunt et promoverunt.*

VI.

*Verissime Crasus apud Ciceronem stilum op-
timum statuit, et praestantissimum dicendi ef-
fectorem ac magistrum, de Orat. L. 1. C. 33.*

VII.

*Causa, cur Graeciae principatum aliquamdiu
tenuerint Thebani, in Epaminondae potius et
Pelopidae virtute, quam in Thebanae civitatis
conditione quaerenda videtur.*

VIII.

*Militare Imperium, quod in Republica Ro-
mana obtinuit, hoc potissimum nomine diver-
sum fuit a Militum Imperio, cujus sub Impera-
toribus maxima fuit vis et efficacia, ut illud ab
ipsa Republica penderet, hi contra in civi-
tatem dominarentur.*

IX.

„ Duplex in primis Constantini in Imperiū
„ sede Byzantium transferendā consilium fuit.
„ Im-

„ Imperatoris cum dignitatem, quae contami-
 „ nata erat, ornatiorē volebat esse, tum auc-
 „ toritatem, quae labare videbatur, stabiliri
 „ cupiebat. Deinde sperabat, se Christianam
 „ religionem, si Romā decessisset, minori pe-
 „ riculo, majorique spe prosperi eventus in-
 „ ducturum esse. Groen van Prinsterer in dis-
 „ de juris Justin. praestantia ex rationibus ejus
 „ manifesta” p. 81.

X.

*Cruciatae expeditiones ad mores emolliendos
 et mercaturae studia augenda ultimum valuerunt.*

XI.

*Ad humanitatem jurisque aequabilitatem in
 Europaeis gentibus provehendam, valuerunt
 imprimis civitates, quae seculo duodecimo con-
 di vel restitui coeperunt.*

XII.

*In legendis ICtorum Romanorum fragmen-
 tis placet magnopere tum urbanitas, qua sum-
 mi viri adversariorum opiniones refutant, tum
 vero ingenuus ille candor, quo, ubi se a vero
 aberrasse intelligunt, aliorum sententiam am-
 plectuntur.*

I

XIII.

XIII.

Ad dijudicandam vim et efficaciam, quam in jus Romanum habuit religio Christiana, accurata requiritur historiae cognitio, ut ne religioni tribuantur, quae ex aliis longe causis exstiterunt.

E R R A T A.

- p. 2 lin. 23 tres *lege* tres
 — 4 (1) *lege* (4)
 — 5 lin. 18 magisterio *lege* magisterio
 — 8 — 6 sacreficiorum *lege* sacrificiorum
 — — 11 eam *lege* iis
 — — 16 anni *lege* anno
 — — 17 illos *lege* illos
 — 13 in not. 1. 15 octingintorum *lege* octingentorum
 — 15 — 11 imprimis *lege* imprimis (p. 89)
 — 20 lin. 12 iudicibus *lege* iudicibus turpi iudicio
 — 21 — 21 Q. Metellus *lege* L. Metellus
 — 23 — 7 auctoritate *lege* austeritate
 — 32 — 4 concilandae *lege* conciliandae
 — — 20 a Consul. *lege* a Consul. aut Trib.
 Mil. Conf. Pot.
 — — in nota 1. in Vat. C. 15. *lege* in Vat. C. 15. Cf.
 Liv. L. 8. C. 12.
 — 34 — 17 summa infima *lege* summa ima
 — 37 — in nota 2. in Crasfo p. 566 A. *lege* in
 Crasfo p. 566 A. et in Camillo
 p. 135 C.
 — 38 — 12 vindicare *lege* vindicaret
 — 42 — 11 legum iuriumque *lege* legum}
 — 51 — 13 sententia *lege* sententia Cf. l. 1. p.
 166. sqq.
 — 77 — 14 contraxerant *lege* contraxerant
 — 96 — 3 Pariter *lege* dein
 — — 6 Dein *lege* ast
 — 103 — 2 Lacaedem. *lege* Lacedaem.
 — 110 — in not. 1. Tucq. Quaest. L. 1. C. 5.
 lege Tusc. Quaest. L. 1. C. 1.

